


# PEYAMA Kurd

Hejmar 54 | 16.09.2005

Kurdish weekly newspaper

**Serokê Kurdistanê  
Mesûd Barzanî  
serxweşiya  
malbatên qurbanên  
bahoza Katrîna kir**



Rûpel 4

**Parlamentera swedî  
bî kincên kurdî  
li parlamentoyê bû**

Rûpel 2



**Li Kurdistanê mamoste  
hene û tunene!**

Rûpel 4

**80emîn sala şoreşa  
Şêx Seîd hate bibîranîn**

Rûpel 5

**Peyama Kurd yeksaliya  
xwe pîroz kir!**

Rûpel 8

**Mesûd Barzanî : Tesîrî  
şoreşî elûl hama zi ho  
rûmeno**

Rûpel 15

**Top Model Natalia  
Vodianova çawa  
bedew dimîne!**

Rûpel 13



## George W. Bush mazûbaniya Mam Celal kir

Rûpel 6



D 1.50 EUR, A 1.70 EUR, B 1.70 EUR, NL 1.70 EUR, CH 2.60 SFR  
LUX 1.70 EUR, I 1.70 EUR, S 19.00 SKR, DK 14.00 DKR,  
N 16.00 NOK, GB 1.10 £, GR 1.70 EUR



## Li dinyê 175 milyon koçber hene

PK - Li gora raporek Neteweyên Yekbûyî (NY) li dinyê nifûsa koçberan 175 milyon derbas kir. Ev nifûs ji xeynî çar welatên weke Çîn, Hindistan, Rûsya û Amerîka, ji nifûsa hemû welatên mayîn bêtir e.

Di raporê de tê eşkere kirin ku nisbeta kar-kerên koçber ji sedî 3ê nifûsa hemû dinyayê ye. Li seranserê dinyê pereyê ku koçber dişînin mala xwe ji 110 milyar dolarî zêdetir e.

## 'Ji her sê Tirkan yek li Almanya xizan e'

PK - Serokê Navenda Lêkolînên Tirkîyê Faruk Şen eşkere kir ku ji sedî 30ê Tirkên li Almanya di nav xizaniyê de dijîn. Her weha Şen dibêje ku ev nisbet di nav Almanan de ji sedî 14 ye.

Şen got ku nîşê yekem niha li Almanya teqawît bûne bi mehaneyekî gelek biçûk dijîn û ji sedî 30ê nîşên nû jî bêkar in.


Şen eşkere kir ku ji ber şert û mercên dijwar yê aborî hejmara Tirkên ku dixwazin vegerin Tirkîyê roj bi roj zêde dibe û got: „Di sala 2000an de ji her pênc Tirkan yekî dixwest vegere Tirkîyê, niha ji her 3 kesan yek dixwaze vegere. Lê dîsa ji wan gelek kêman kes vedigere.“

## Lî Belfastê Katolik û Protestan şer dikin

PK - Bi salane ku li paytextê Îrlandaya Bakur Belfastê Katolik û Protestan pevdiçinin.

Di 11 mehê de Protestanan xwestin ku li herêma Katolîkan meşekê li dar bixin, lê hatin astengkirin. Pêşanderan bi kevir, tuxle û kokteylên molotof bersiva polîsan dan, li gelek taxan fê girtin û dest danîn şer otomobîlan. Li gora agahdariyan 30 polîs û 2 kesên sivil birîndar bûn. Midûrê ewlekariyê dibêje ku pêşanderan bi nêta kuştina polîsan hereket kirine û bi şens ji vî hewldanê rizgar bûne. Her weha midûr ragihand ku li Belfastê kargehek bombeyan derxistine ortê û heft çek bi dest xistine. Jibo rawestandina pevçûnan hezar polîs û hezar leşker hatine wezîfekirin.

## Jiyana hemwelatîyên Norveçê ya herî baş e



PK - Rêxistina Netewên Yekbûyî (NY) isal cara 5em Norveç çêtirîn welatê ku lê tê jiyana hilbijart. Îzlanda û Avûstralya di rêza diwemîn de ne.

NY bi raporekê li gora refah, sewiya perwerdeyî û dirêjahiya temenê mirov her sal çêtirîn welatê ku mirov lê dijî eşkere dike.

Li Norveçê hatiniya serê her mirovekî 41 hezar dolar e.

Li gora raporê di dewlemendiya Norveçê de petrol rola sereke dileyze.

Fona ku ji hatiniya petrolê ji nîvşên bê re vediqetîne gihastiye 190 milyar dolarî.

Li gora listeya NY di vî mijarê de Sierra Leone û Nijer di dora dawî de ne.

Tirkîyê, di rêza 94em de cih digre.


Ji welatên Yekitiya Ewropa Letonya di rêza 48em û berendam Bulgaristan û Romanya jî di rêza 55 û 64em de ne.

# Rojê 10 Ūris xwe dikujin

PK - Li gora rojnameyê-ke navçeyî li Moskovayê, di salên dawî de hejmara mirovên ku xwe dikujin ji sedî 330 zêde bûye. Li gora vî yekê li Moskova paytexta Rûsyayê rojê 10 kes xwe dikujin.

Tê gotin ku bûyerên xwekujiyê di demsala bihar û havînê de zêde dibin û dema ku dibe payiz hejmar bilindtir dibe. Di rojekê de 10 mirov dawî li jiyana xwe tînin û ev yek dibe sedema matmayina pisporan. Li gora îstadîstîkên fermî hersal li derdora 55 hezar Ūris xwe dikujin. Sala derbasbûyî 1000 kesên din li vî rêjeyê zêde bûne û ev yek tê wateya ku ji her 100 kesî, 40 kes xwe dikujin.

Di navbera salên 1995 û



2003an de li Rûsyayê 500 hezar kesî xwe kuştîye. Li

gora rapirsîyeke fermî ji her 20 kesên ku hewlda-

na xwekuştinê dikin, yek biserdikeve û dawî li jiyana xwe tîne. Di van salên dawî de li Rûsyayê 10 milyon mirovî hewldana xwekuştinê kiriye.

Welatê ku herî zêde xwekuştin lê pêktê Lîtvanya ye û piştê Rûsya tê. Tê gotin ku bûyerên xwekuştinê, piştî hilweşîna Çariya Rûsî, bi taybetî jî di dema Sovyetê de zêde bûne. Temenê kesên ku dawî li jiyana xwe tînin di navbera 40 û 60 de ye û hejmara zilaman 5 qatê hejmara jina ye. Ji bo xwekuştinê zilam serî li şeniqandin û çekan didin, lê li beramberî wan, jin bi riya vexwarina dermanên zêde û xwefetisandinê dawî li jiyana xwe tînin.

## Parlamentera swedî bi kincên kurdî di vekirina parlamentoyê de amade bû



Swêd - Roja 13ê îlonê parlamentoya Swêdê ji bo dewra payizê di bin serokatîya Şahê Swêdê Karl Gustav de civiya. Cigira serokê Partiya Çep a Swêdê û parlamenter Ulla Hoffman wek sala bihurî isal jî bi cilûbergên Kurdî beşdarî civîna yekê ya dewreya didiwan bû.

Ulla Hoffman bi vî çalakiya xwe careke din pirsra Kurdistanê anî rojeva Swêdê. Xanim Hoffman di derbarê vî yekê de got: Ez bi şanazî van cilûbergan li xwe dikim, ew parçeyê ji xebata min. Armanca min piştgirtina tekoşîna gelê kurd e. Ez dixwazim bi vî awahî piştgirtiya destkevtiyên gelê kurd li Başûrê Kurdistanê û di destûra Iraqê de bicîhbûna mafên jinan bikim. Partiya çep dostê gelê kurde û hergav piştgiriya tekoşîna gelê kurd kiriye. Em hêvî dikin ku gelê kurd li parçeyên din ên Kurdistanê jî bigihîje mafên xwe.

Ulla Hoffman dua kir ku parlamenterên Swêdî yê ku cilûbergên kurdî li xwe kin pirtir bibin, çimkî pêwistiya gelê kurd bi pirtir parlamenterên swedî heye.

Parlamenter Ulla Hoffman dosteke gelê kurd e. Wê di Newroza 2005 an de ku ji aliye Federasyona Komelên Kurdistan li swêdê (FKKS) ve hatibû amade kirin jî, bi cilên Kurdî beşdar bibû.

## El Qaîde derba ku heqkiribû xwar

PK - Berpirsê Wezareta parastina Iraqê Evdilezîz Casim di 12ê mehê de bi civînek çapameniyê eşkere kir ku di operasyonên li Telafîrê de 157 terorîst hatine kuştin û 291 terorîst jî hatin girtin.

Her weha Casim di civîna li Bexdayê de got ku operasyon hin dom dikin û artêşa Amerîka bi hêzên ewlekariya Iraqê re ketine navenda terorîstan.

Di operasyona ku di 10ê mehê de dest pêkir 41 depoyên çekan û navendek tedawiyê ya modern jî hatine bi dest xistin.

Casim ragihand ku piştî operasyonan jibo avakirina bajêr 50 milyon dolar hatiye veqetandin.

Ji aliye din ve wezîrê karê hundir Beyan Cabir ragihand ku El Qaîde bi vî operasyonê derbeyek giran xwar.


Serokwezîrê Iraqê Îbrehîm Caferî jî bi wezîrê karê hundir Casim re hatiye Telafîrê û bi rêberên Şiîyan re hevdiîtinan li dar dixwe.

Operasyon bi fermana Caferî jibo ku bajar ji terorîstan bê paqijkirin, pêşeroja rûniştvanan di Iraqa demokratîk û aşîtxwaz de bê garantîkirin bi hêzek ji 5 hezar leşkerên Amerîkî û Iraqî ve hat destpêkirin.

### Jibo kuştina Caferî 100 hezar dolar xelat

Li gora daxuyaniya malperek internetê rêxistina Artêşa Îslamî jibo kuştina Serokwezîr Caferî 100 hezar, ji bo wezîrê karê hundir Cabir 50 hezar û wezîrê parastinê Dûlaymî 30 hezar dolar xelat daniye.

Artêşa Îslamî talimat daye aligirên xwe ku êrişên xwe zêde bikin.



Al "Qaida" Franken

# Li nexweşxaneyên Duhokê elektrîk tune ye!

Silêmanê Alîxan

Ev demeke tirsî be-lavbûna êşa Kolêrayê li başûrê Kurdistanê heye. Bêguman jibo belavbûna vê êşê, ji bilî av û xwarina pîs, germa jî alîkare. Helbet ji hemû kesan bêtir zarok tûşî êşan dibin, loma parastina tendirustiya wan erkê bingehînê hikumeta Kurdistanê ye, lê diyare ev tişt li bajarê Duhokê nayê peyrewkirin!

Beriya çend rojan min telefona hevlekî kir ku digel zarokê xwe yê çar salî li nexweşxaneyê 'Hivî' ya zarokan bû, diyarbû rewşa zarokê wî xirab bû, wî jî giilî ji bilindbûna pileyên germayê û nebûna elektrîkê dikir û di got, 'amîreyên sarkirinê kar nakin, tenê amîreyên ronahiyê kar dikin, lê xwezî wan jî karnekiriba, çimkî ew jî germayê



zêde dikin!

Bo zanîne, li bajarê Duhokê yê ku hejmara xelkê wê nîv milyon e, tenê yek nexweşxaneyê zarokan

heye, ew jî 'nexweşxaneyê Hivî' ye û rewşa wê jî bi vî rengî ye, di heman dem de hemû ciyên bazirganî yên ku hikumet tê de beşdar

li Duhokê, mîna otêla şîraton, super market û gelek ciyên din yên bazirganî tu caran elektrîk jê nayê qutkirin!



## Li başûrê Kurdistanê wê xwendin bi zimanê Îngilîzî be!

PK - Wezîrê Perwerdeya Hikumeta Kurdistanê, Ebdulêzîz Teyîb li dor programa îsal ya xwendinê li Kurdistanê, ji rojnameya Evro re ragihand ku ji niha û pêş de ji sala yekema seretayî, wê xwendin li Kurdistanê bi zimanê Kurdî û Îngilîzî be. Beriya niha zimanê Îngilîzî ji sala pêncê seretayî dest pê dikir. Jibo vê projeyê jî Wezîrê Perwerdeya Kurdistanê û weşanxaneyê "Mekmîlandas" li hev kiriyê û beriya demekê, vê weşanxaneyê ji mamostayên Kurd re kurs vekiribûn û biryare li 1/10/2005an ew şarezayên Brîtanî veşandin li Kurdistanê jibo ku bibînin ka ew mamostayên Kurd yên ku kurs wergirtine çiqas sûd ji wan kursan dîtine.

Hêjayî gotinêye ku "Mekmîlandas" weşanxaneyêke Brîtanî ye û li ser astê hemû cîhanê bi danîna û çapkirina programên xwendinê navdar e.

## Îsal çend kes ji ser xanî ketin?



PK - Li Kurdistanê dema ku havîn dest pê dibe çiqîniya germê, herkesêvaran xwe davêje ser xanî. Ji bo vê yekê li ser xaniyê herkesî textên taybetî hene. Di destpêka havînê de ew textên boyaxkirin û careke din ji bo raketinê tî amade kirin.

Kurdistanî ji ber germa Temûz û Tebaxê direvin û xwe davêjin ser xaniyan, lê belê gelek ji wan canê xwe jî li ser dikin!

Di havîna îsal de, hejmara kesên ku ji xaniyan de ketine, li gora salên derbasbûyî pir zêde ye. Li gora rapirsîyekê, havîna îsal xelkê ku herî zêde ji xaniyan de ketine Amedî ne.

Ji destpêka Hezîranê ve, li Amed, Batman, Mêrdîn û Qoserê 1804 mirov ji xanî de ketine.

Ji van mirovên ku di xanî werbûne, 27 kesan ji yana xwe wendakiriyê 1777 jî birîndar bûne.

Li gora Pirporê Tiba Lezgîn yê nexweşxaneyê Mêrdînê Dr. Tanzer Korkmaz, li Kurdistanê, ji ber ku ra-

deya germahiyê digihîje 40 dereceyî hemwelaî li ser xaniyan radikevin û ji ber ku derdora gelek xaniyan ne lêkiriye ew tê werdibin. Li gora ku tê gotin, bi piranî zarokên temenbiçûk ji xaniyan de dikevin.

**Li Zaxo jinek û li Silêmaniyê ji zarokê ji banên malên xwe de ketin xwarê!**

Li devera Derkarê ya girêdayê Zaxo, jinek ji ser banê mala xwe kete xwarê û mir, xelkê deverê digotin ku bûka wê ew jî ser banê malê avêtiye xwarê, ji ber ku hin pirsgrêkên wan hebûn.

Li gundê Belxoyî Hewraman yê girêdayê bajarê Silêmaniyê jî keçeke yazde salî ji banê mala xwe kete xwarê û ew jî mir, xelkê gund gotin ku ji ber ku xewê çavên wê keçe ber-nedabûn, loma wê rêya xwe winda kir û ji banê de kete xwar.

Jibo zanîna rastiya van bûyeran jî, sazîyên hikumetê lêkolînan dikin.

## Panorama

Dilbixwîn Dara



## Pirtûkan difiroşe, lê...

Wê rojê dostekî ji min re telefonê vekir: "Tu bi xêr hatî, welat çawa bû, çi hebû çi tune bû... te kî dît kî nedît? Siyaset di çi rewşê de bû... halê nivîskaran çi bû...?" tevî ku telefonkirin ne ji bo suhbetên dirêj e, lê me sinor derbaskirin û dest bi suhbetêke dirêj kir. Min got ji ber ku cara yekemîn bû em diçûn serdana welat, her tişt bi me xweş bû. Ji mejiyê me zêdetir hestên me diaxifin, tew hinek caran li me wiha dihat ku em weke zarokan ji kêfxweşbûnan bigirin jî. Bi yek gotinê min got: "Here bi xwe bibîne..."

Dostê min pirtûkên kurdî ji Tirkîyê tîne û li vir difiroşe. Bi salane ew vî karî dike, ji qezencê rîna peran zêdetir ew hez dike ji bo belavkirina edebiyat û zimanê kurdî xizmetekê bike.

Min jê pirs kir: "Rewşa te çiyê, pirtûkên te di çi rewşê de ne?". Kesereke ne bi dilê xwe kişand û got: "Weke berê ye, na bi xwedê ji berê xerabtir e... ez mîaşê zarokên xwe qut dikim, peran dişînim û pê pirtûkan dikirim, pereyên postê didim û wan digihînim vir ji bo ku di şev û şahiyên de bifiroşim... lê di stûyê min de dimînin, kesek nakire... bawer bike heya niha deynê weşanxaneyan li min e, nikarim bidim, pirtûkên min anîne nehatîne firotin..."

Ev dostê hêja, di her cejnêke netewî de; di her şahiyêke Kurdan de, pirtûkan cih bi cih digêrine, jêre bûye weke nexweşiyekê, dibêje: "Nikarim dev jê berdim, bûye nexweşî û ketiye nava xwîna min. Dema ku di şevê de neçim maseyê ranexim û pirtûkan li ser rêz nekim, wê şevê xew nakeve çavên min, xwe sîcdar dibînim..."

Pereyan dişîne Tirkîyê, ji weşanxaneyan pirtûkên kurdî dikire, bi serde pereyên postê dide, û şev bi şev, şahî bi şahî digêrine, pereyên benzîne jî dixê ser, radike, datîne... heya ku şev diqede li ber pirtûkan dimîne, zêrevaniya wan dike, dema ku şev diqede û her kes diçe mala xwe, ew jî tevî her du zarokên xwe pirtûkan careke din kom dike û dixê kartonan...

Hîn jî em bi telefonê diaxifin: "Heqê benzîne dernakeve"

"Dev jê berde" dibêjim, "em ne hêjayî wê westabûnê ne". "Nikarim" bersivê dide.

"Tu dizanî, ewqas pirtûkên hêja derdikevin, ewqas roman û pirtûkên çirokan derdikevin, lê kêma kes hene ku destên xwe bavêjin bertka xwe û pirtûkekê bi 5-10 Euroyan bikirin... rojê du-sê pakêt cixare dikîşînin û agir berdidin cigera xwe, lê xwe nawestînin û nayên pirtûkekê nakirin..."

Zerarê dikim birayê Dilbixwîn, her cara ku ez ji şevê li mal vedigerim û hesabê xwe dikim, xanima min ji min dipirse, çawa bû? Ancax me heqê benzîne derxist dibêjim... yanî cara ku heqê benzîna min derkeve, wê demê pê dihesim ku min qezenc kiriyê... Em naxwînin. Kultura xwendinê li cem me gelekî qels e..."

Berî ku em telefonê bigirin dostên min bi xemgînî dibêje: "Çi bikim, nikarim dev jê berdim, wê rojê bê û emê pê bihesin ev zimanê ku em niha naxwîzin pê bixwînin û binivîsin, emê bibînin çiqas şêrîn bû... çiqas zimanekî delal bû, zimanekî wiha bû ku tevî hemû zordariyan jî zindî ma û neteweyek parast..."



Nejdîet Buldan

## 12 ê Îlonê 1980

**D**erbe bû an inkilap? Pîranîya kesên sîvîl, hemu dezgehên ragihandinên wê demê digotîne inkilap, wate şoreş.

Ji xwe xwudanên wê (leşkeran) jî digotîne şoreş.

Leşkeran şoreşek kiribû, an jî şoreşên Atatirkî parasti bûn, welatê xwe jî deravê felaketekê xelas kiribûn...

Eve û çend gotinên dî, yê rewşenbîrên Tirkî bûn...

Heta demêke dirêj.

Paşê, hêdî hêdî rewş guherî, piştî çend salan lingên hindekan êrd girtin, nêrûkên wan tîj bûn û gotîne, derbe!

Nivîsê ku ew roj li bîrê, dizanin.

Roja 13 yê Îlonê heta demêke dirêj hemû çapemenîya Tirkî, pêşewazî li vê şoreşa xwe dikirin.

Methename(methîye, pêsandin) dinivîsîn, cîh nebû serokên vê şoreşa xwe danîne. Şoreşvanên xwe li esmanan difirandin.

Niha ew çapemenî bi hûrik hûrik wan rojên tarî û wê rejîmê reqne diken.

Ji bo Kurdan ew rejîma xwînxwer tê çî wateyê?

Dibe ku hindêk li bendê bin, ez jî bêjim ew qas eşkence hate kirin, kuştin û rev û filan û bêvan....

Ez dikarim lê, çêrokek demên min yê zarokatîyê tê bîra min. Navê wê çêroke belê rastîye, qewimî ye.

Carekê, çend zilamên Kurd, kiçeke Ecem (Azêrî) revandibûn. Çend rojan li çîya, deşt û nihalan gerandi bûn. Kiçika feqîr perîşan kiribûn....

Gor îmkanên wê demê, ne di hate zanîn ka çend caran tecavûz lê hatîye kirin. Paşê, jinrevayî hemu hatibûne girtin. Li dadgehê, hemûyan pêşîya hakimî û wê jinê rêz diken. Hakim jî jinê dipirse:

-Keça min, ka bêje kî tu revandi bûy?

-Ezbenî, vane hemuyan...

-Ka bêje, ji vane kî tecavûza te kirî bû?

-Ezbenî, şev û roj hemu tarî bûn. Ez nizanim.....

Hemu tecavûzkar bûn. Lê belê ji ber ku jinika jar nav ne dabûn, hemûyan jî bereet kirin. Kes jî wan ne hate cîza kirin....


Çend qala derbeya 12ê Îlonê tê kirin, serî da ew çêroke tê bîra min.

# Li Kurdistanê mamoste hene û tunene!

PK - Tê gotin ku ji bo demsala perwerdeya 2005-2006an li Erzeromê 2700, li Wanê 1744, li Agirî 1771, li Mûşê 1800, li Îdirê 736, li Elezîzê 685, li Batmanê 300, li Amedê û Mêrdînê jî 2 hezar mamoste pêwîst in. Ji bo peydakirina van mamosteyan Parêzgar, doza mamosteyên yedek dike.

Li gora rayedaran, sedema kêmbûna mamostayan ew e ku gelek mamosta naxwazin li Kurdistanê kar bikin û hejmarê mamostayên ku diçin, jî yê ku tîz zêdetir e. Li gundê Hanoba yê girêdayî Agirî hersal 3-4 mamosta tîz guhertin. Şagirtên ku li ber destê mamostayên wekîl perwerde dibin, jî ber guhertin û hatin û çûna mamostayan nikarin li ser dersên xwe rawestin. Muxtarê gund Yusuf Gözalan dibêje ku wî hejmarê mamostayên ku hatine gund û çûne jibîr kiriye û wiha berdevam dike "gundê me dîrî bajêr e û riyên me pir xerabene, mamostayên ku tîz vir, yekser hesabê vegeêrê dikin û tayina xwe jî vir radikin".

Serokê Egitim Bir-Sen yê



şaxê Bedlîsê Sani Özdemir dide zanîn ku pêwîste şert û mercên herêmê yê aborî û civakî li ber çavan werin girtin û li vê herêmê nivmeaşek zêde ji bo mamosteyan were dayîn.

Li mezra Esentepe ya girêdayî Dicleya Amedê ev 40 sal in ku dibistan ava nebûye. Ji

ber nebûna dibistanê, lawikên gund diçin dibistana gundê Ordulu lê yê keç jî xwendinê bêpar dimînin. Li gundê Esentepe 200 kes dijîn.

Li Wanê jî bo 232 hezar û 343 xwendevanan 4145 odeyên dersan hene. Ev hejmar li Agirî dibe 1058, li Îdirê 400, li Mûşê 300 û li

Elezîzê 310.

Li aliyê din jî bi sedan xwendevanên ku zanîngeh temam kirine bêkar in û mecbûr dimînin di karên weke tamîrkirina erebeyan, aşxane û çandîniyê de kar bikin. Êdî jî bo gelek ciwanan berdevamkirina xwendinê bê wate ye ji ber ku armanc bi tenê asimilasyon e.

## PKE: Navê Kurdistan bi kar bînin!

PK - Di 19-20ê Îlonê de li Parlamentoya Ewrûpayê "Konferansa Tirk û Kurdan" wê bê lidarxistin. Bi vî minasebetê Platforma Kurdên Ewrûpa (PKE) jî rêvebirê konferansê û Serokê Parlamentoya Yekîtiya Ewrûpayê Josep Borrell re nameyek ku piştigiriya pêngavên erênî jibo çareserkirina pîrsa Kurdî nîşan dide şand û ramanên xwe eşkere kir.

PKE careke din tîne ser zimên ku li Rojhilata navîn bê çareserîya pîrsa Kurdî tu siyasetek bi ser nakeve û dibêje ku nûnerên gelê Kurd rêxistinên sîvîl, dezgehên demokratîk û rêxistinên siyasî yê Kurdistanî beşdarî konferansên weha bibin.

Bi berdevamî PKE gazind û rexneyên xwe eşkere dike û weha dibêje: "Hûn baş dizanin ku, kesên wek Leyla Zana, Alî Yigîr, Osman Baydemir, Orhan Pamuk û yê wê wan dixwazin gelê Kurd întegreyî Komara Tirkîyê bikin û dixwazin gelê Kurd jî daxwazên wan yê rewşa dîr bixin. Bi gotineke din ew dixwazin ku, gelê Kurd dev ji mafên xwe yê neteweyî û demokratîk berdin. Loma jî ew kesana nikarin bibin nûnerê doza gelê Kurd û nabe ku wek nûnerên gelê Kurd bînin nasandin."

PKE di dawîya nameya xwe de gumanên xwe weha diyar dike: "Em hêvîdarin ku hûnê kêmasîya vî Konferansê serast bikin û bangî nûnerên Rêxistinên Demokratîk û Siyasî yê Kurd jî bikin ku, çareserkirina pîrsa Kurdan bi berfirehî û bi rastîyê were munaqêşe kirin. Ji ber ku, yek ji muhatabê vî "pîrsê" û terefê vî "pîrsê", ewên ku xwedîyê vî dozê ne."

Her weha PKE jî Yekîtiya Ewrûpa hêvî dike ku, di munaqêşe, belge û daxuyaniyên xwe de li gel navê Kurd, navê welatê wan Kurdistan jî bi kar bîne.

## Serokê Kurdistanê Mesûd Barzanî serxweşiya malbatên qurbanên bahoza Katrîna kir



Gelê Kurdistanê, jî bo piştigiriya malbatên wan qurbanîyan rêja nîv milyon Dolar wek alîkarî pêşkêş dike

Serokê Herêma Kurdistanê Mesûd Barzanî, bi sedema bahoza Katrîna, peyameke taybetî belav kir û tê de serxweşiya serokê Amerîka George W. Bush kir û piştigiriya gelê Kurd jî gelê Amerîkayê re diyar kir. Barzanî di peyama xwe de dibêje, "Di encama karesata Katrîna de, ku li çend bajarên Amerîka daye, bi hezaran kes bûne qurban û bi milyonan kes jî penaber bûne, Gelê Kurdistanê, jî bo piştigiriya malbatên wan qurbanîyan rêja nîv milyon Dolar wek alîkarî pêşkêş dike. Ev rêja hindik, hevsoziya Kurdistanê ya temam dîgîne wan malbatên qurbanan û karesatê".

Di berdevamîya peyama xwe de serokê Herêma Kurdistanê dibêje, "Ev yek spasî û bêzanîna gelê Kurdistanê ye jibo wan qurbanên ku gelê Amerîka û hikûmeta wê bi serokatiya serok W. Bush pêşkêşî gelê Îraqê kirin".

Mesûd Barzanî di dawîya peyama xwe ya serxweşî û piştigiriyê de wiha dibêje, "Em jî aliyê xwe de pir girîngiyê didin pêwendîya me ya li gel Amerîka û hêvî dikin ku emê bikaribin bihev re gav bi gav dijatiya terore û piştigiriya demokrasîya Îraqê bikin.

Mesûd Barzanî  
Serokê Herêma Kurdistanê  
12/9/2005

# 80emîn sala şoreşa Şêx Seîd hate bibîranîn



## Peyama Kurd/ Stockholm

Komeleya Kurd a Stockholm (Spånga), di 11ê îlonê de bi navê "80emîn sala bibîranîna şoreşa Şêx Seîdê nemir" semînerê bi beşdariya neviyê Şêx Seîd û Serokê HAK-PAR Abdulmelik Firat û nivîskar Mehmed Emin Bozarslan pêk anî. Di semînerê de biqasî 350 kesên rawestên, siyasetmedar û rûniştvanên Kurd li Swêdê beşdarî kirin.

Birêvebirên semînerê Komeleya Kurd a li Spånga, anîn zimên ku di destê yekem de hêzên siyasî yên Kurd an jî Federasyona Komeleyên Kurdistanê li Swêdê divê bi helkeftinê semînerên weha rabin û ew hêvîdar in di pêşerojê de ew bi vî watîniya xwe rabin.

Mehmed Emin Bozarslan axafvan ê yekem ê vî semînerê bû. Bozarslan da diyarkirin ku "li ser şoreşa Şêx Seîd hewldanên berferê ji alî desthilatên Tirkîye ve hatine dan ku wekî isyanek paşverû bête binavkirin û ew di van hewldanên xwe de heta cîhekî biser jî ketine. Dewleta Tirk xwest û her li ser vî yekê berdewam e ku bibêje "ew ne şoreşek neteweyî, lê serhildanek ji bo pêkanîna desthilatek olî bû".

Bozarslan di berdewamiya axaftina xwe de bal kişand ser ku "di eslê xwe de şoreş ji bo azadiya neteweyî ya Kurdistanê bû û ev yek di dokumentên "dadgeha serxwebûnê" de jî hatiye nivîsîn. Dozkarê dadgehê Ahmet Sureya û Serokê dadgehê Mazhar Mufit jî, di birêvebirina dozê de, anîna zimên ku "şoreş li ser armancekê gihîştîye ser hevûdu: ew jî pêkanîna welatê Kurdistanê bûye.

Nivîskar Bozarslan herweha got ku "di

dinyayê de nimûneya wê yekê nî ne ku 47 birêvebirên şoreşê di yek cîgah û paşî hevûdu di yek şevê de bîn bidarve kirin. Ev yek jî nîşana- zilm û terora dewleta Kemalist ku li Kurdistan kiriye dide ber çavan. Piştî şoreşê jî, di sedan gundên Kurdistan hatin bi rûniştvanên wan ve hatin şewitandin. Ev zilm jî wekî zilmek ji ya Hitler xerabtir ninav kir.

Bozarslan di dawiyê axaftina xwe de, du pêşniyar ji bo raya giştî ya Kurd anî: 1/ Divê gotina isyan ji bo şoreşa Şêx Seîd neyete bikaranîn. Ev gotin di eslê xwe de olî ye û tê maneya "guneh" ê. Ango serhildan dijî edelate îslamî, ev jî guneh e! Ji ber vî yekê hêvî dikim - gotina isyan li şoreşê neyete kirin. 2/ Roja 28-29 Hezîranê, wekî roja şehîdên Kurdistanê bête îlan kirin.

Neviyê Şêx Seîd û Serokê HAK-PAR Abdulmelik Firat, zêdetir li ser xebata navxweyî ya di şoreşê de rawesta û xwest ku rawestên Kurd zêdetir li dîroka Kurd vegehin, tarîxa neteweyê xwe bizanin û devê xwe jî negirin! Firat got ku şoreşa Şêx Seîd di encamê zanabûnek neteweyî de da rê, lê neserkeftina şoreşê heta cîhek mezin girêdayî vî yekê bû ku mezinên Kurdan ên wê demê xwedî li şoreşê nekirin. Berevajî bi bêhelwestiya xwe yan jî dijayetiya xwe bûn sedema têkçûna şoreşê. Firat diyarkir ku "wekî li gelek cîgahan tê gotin, Şêx Seîd endametiya rêxistina Azadî kiriye, ev ne rast e. Malbata Şêx Seîd 400 salan berpirsiyariya medreseyan li Kurdistanê kiriye û herçend dewletê talan, kuştin, nefikirin û her cureyê tadeyê li malbata Şêx Seîd kir jî, niha biqasî 2000 kes ji malbatê hene.

## Li Amedê 300 hezar kes xwendin û nivîsandinê nizanin


PK - Serokê Perwerdeyîya gel ya Diyarbekirê Şeyhmus Ayan eşkere kir ku li Amedê 297 hezar û 397 kes xwendin û nivîsandinê nizanin.

Ayan di merasîmekê de ragihand ku di sala 2000an de li Amedê nisbeta xwendin û nivîsandinê ji sedî 69.6 bû lê niha gihîştîye ji sedî 75.50.

Li gora reqemên Enstîtûya îstatîstîkan ya dewletê li Amedê 247 hezar û 735 jin û 93 hezar û 560 mêr, 341 hezar û 295 kes nizanin bixwînin û binivîsîn.

Di van pênc salên dawî de li navendên perwerdeyîya gel 25 hezar û 626 jin û 18 hezar û 272 mêr bi giştî 43 hezar û 898 kes fêrî xwendin û nivîsandinê bûne.

Munzur Çem



## KURDAN RA ÇI LAZIM E?

**D**emek berê, birêz Bayaram Ayaz di Peyama Kurd de, li ser PDK-Bakûr çend nivîs nivîsand.

Birêz Ayaz, di nivîsên xwe de PDK-Bakûr analiz dîke, li ser hedef û armancên wê dîskîne. Di nivîsa çaremîn a ku di hejmara 48an de derketîye, barek gelek giran dixe ser sitûyê wê partîyê. Ayaz, weha dinivîse: "..... Ji ber ku „mora paradîgmaya nû“ di destê wê da ye. PDK-Bakûr, pêvîst e bi her Kurdê dîlsoz re bi hev re paradîgmaya nû binexşîne û xwe bike partîya vî paradîgmayê. Eger PDK-Bakûr bikare ji bin vî karî rabe, wê dîrok heqê wê bide û li me rûgeş be. Eger nikaribe, helbet wê hinek dî vî barî hildin..."

Di derheqa vî hedefê de tişt e ku meriv dij derkeve tune. Ji bo her organizasyonek polîtîk mafek tabîî ye ku gor bir û baweriyên xwe, armanc û rola xwe tesbît bike û bi raya giştî ra îlan bike. PDK-Bakûr, hêzêk welatperwer e, partîyek me ye. Ji bo vî yekê jî kar û barê wê çiqas baş bibe, çiqas serketî be, ewqas keyfxweşî dide min. Xwezî PDK-Bakûr jî tê de, hemû partîyên me yên welatperwer bihêz û serketî bûna û bigihîştina armancên xwe. Lê mixabin îro rewş usa nîye.

Gor dîtina min, di nivîsa birêz Ayaz de kemasîyek heye ku meriv gere li ser bisekine. Ev kemasî jî tûnebûne behsa hevkarî yan jî enîyek neteweyî ye. Di rewşa me da, gava ku meriv behsa armancên usa giring bike û rolek ewqas mezin bide partîyek, hewce ye ku di derheqa yekîtiya welatperweran da jî çend gotinan bêje. Dibe ku birêz Ayaz, hinik nivîsên xwe da ev pirs anîye zîman, min nexwendîye lê usa be jî di maqaleyek usa de gere bi qal bihata kirin.

Eşkera ye ku îro partîyek Kurdan e ku bikare bi serê xwe bibe alternatîf, li hemberê kolonyalîzmê ser bikeve û welêt rizgar bike tune. Bona vî yekê jî, hewce ye ku hemû partî û grubên kurdan ên welatperwer rojek berê bîn cem hev, yekîtiyek çê bikin. Hem jî yekîtiyek ciddî û xwedîyê îddîayan. Ev yekîti dibe ku yek partî be, enîyek be, yan jî xwedîyê formek din be. Pirsê bingehî forma wê nîye, pirsê bingehî hebûna yekîtiyek ciddî ye û bi qenaata min, îro di rojêva kurdan da ji vîya giringtirin û aciltirin ti, tek din tune û gere tunebe jî.

Niha di vî niqatê da em pirsêk ji xwe bipirsîn û lê bersivê bigerin.

Gelo, hewcedariya yekîtiya welatperweran ewqas mezin e, lê dîsa jî tune, bo çî?

Bêguman cuda-cuda sebebên vî rewşê henin. Lê şik tune ku sebebê herê mezin kultura me ye, fêrbûnen me yên nebaş in; yanî em bi xwe ne. Mixabin, di derbarê vî pirsê de gotinên gelek Kurdan û kirînen wan hev dî nagirin. Gelek siyasetmedar û kesên me henin, gava ku qise dikin, wek prensîp tiştên baş û rast dibêjin, lê gava ku dor hat pratîkê, rewşê guhartin, ji ber ku bi hev ra kar û xebat neye kirin û yekîtiyek neye çekirin, hezar mane dikevin holê.

Loma jî, jî ber ku meriv bikare di vî alî de gavek serketê bavêje, berê her tiştê, şert e ku meriv xwe ji xwestinên nerealîst û hîssên negatîf rizgar bike. Bi kultura civaka paşdamayî û kultura dema şerê sar, karê kollektîf naçe serî û yekîtiyek xurt nayê çekirin.

Di aliyê din de, gava ku ez van gotinan dinivîsim, mebesta min ew nîye ku ez hêmuî Kurdan têkim tîrûkek û wek hev nîşan bidim. Bêşik, nav Kurdan da, mezin yan jî piçûk cûdabûn henin. Ji ber vî yekê jî, çiqas ku her kes gor xwe xwedîyê parek be jî, serneçuyina karê yekîtiyê de rol û berpirsiyariya wan wek hev nîye. Dîsa hinik kesên ku xwe „serbixwe“ nîşan didin, meriv gere rola wan jî, ji ber çavan dîr mexe.

Lê, sebeb çî dibe bila bibe, Kurd mecbur in ku vî çemberê bişkinin û xwe jî çarçîva teng derxin. Wek din ji bo wan rê û îmkân tune. Çî polîtîk, çî demokratîk û kulturî; hêzên kurdan gere rojek berê, programek muştêrek bidin pêşîya xwe û bi hev re bimeşînin. Ji bo vîya gotinên mezin û programên dur û dirêj jî lazîm nînin. Di vî karî de esas gotin nîye, pratîk e, kar bi xwe ye.

Kes gere ji xwe bir neke, îro di Kurdistanê Bakûr da wek mîlet, em di tunela hebûn û tûnebûnê da derbaz dibin. Li ser reya gelê me tehdîd û dafikên pîr mezin henin. Ji ber ku ew tehdîd û dafik ji holê bîn rakirin ku pêşeroja gelê me tarî mekin, ji dervayê yekbûn û berxwedanek muştêrek çare tune.

Rast e; di van çend salên dawî de li Ewropa, ji bo damezrandina yekîtiyek demokratîk û bi hev ra karkirîne hinik gavên balkêş hatin avêtin. Lê mixabin kar û xebata wan, hîna jî gor dilê welatperweran nîye. Wana heta îro konkret programek pêşniyazê gelê nekiriye, qet nebe, yek û yek çend projeyên balkêş jî nexistine rojevê. Çima usa ye, tengasî û zahmetî çî ne, ji ber ku raya giştî nayê agahdarkirin, piraniya me vana jî nîzane.

Kurdan ra yekîtiyek lazîm e û terciha min jî damezrandina enîyek neteweyî ye.



## biravetî

Bayram Ayaz

# Kemalîst bi tehrîkên tirkçîtiya şovenîst dixwazin çi bikin ?

Van deh panzdeh rojên dawî li çend bajar û qezayên bakur û rojavayê Tirkîyeyê tehrîkên tirkçîtiya şovenîst giha radeyekê erîşker û teşebûsên linckirinê. Kurdên tuşî van belayan bûn, pirani malbatên koçberin, mexdûrê şer û wêrankariya dewleta Tirk in û mecbûr mane li wan deveran bicîhbûne. Erîşker ji pirani kesên derdorên partî û rêxistinên tirkçî û faşist in.

Di vê dema hessas de ku guman heye dewleta kûr Tirkên nasyonalist li dijî Kurdan tehrîk dîke û provokasyonan derdixe, Apoyîyan ji xwestin roja çarê îlonê li qeza Gemlikê xwepênîşandaneke lidarbixin û piştgirîya Ebdula Ocalan bikin. Wan ji bi qasî du hezar Kurdan li otobus û wesayîten di siwar kirin û berê wan dan rojavayê Tirkîyeyê! Xuyaye jibo qenc bûn nasîn, wêneyên Ebdula Ocalan û çend al û sembolen rengîn -kesk û sor!- ji dabû destê wan. Ev xelk ji pirani ji malbatên şehîdan in, koçber û belengazên dema şer in. Ji derveyê çend mirûdên apoyî, helbet ev xuşk û birayên me ji Kurdên dilsoz in. Ew îro li dora PKKê - DEHAPê civiyane û wisa bawer in ku karê dikin xizmeta kurdewariyê dîke.

Hêzên asayîşa Tirk xwepênîşandaneke qedexe kirin û nehêştin Kurd bigihînin Gemlikê.

Ji gihî û gotinên rêwiyan otobusan wisa xuyaye ku polisên taybetî û cendirman bi tîra xwe Kurdan aciz kirine. Vêca wê rojê berêvarê li vegerê di qeza Bozuyûk de Tirkên nasyonalist rîya otobusan birin û erîşê Kurdan kirin. Ligor agahdariyên çapemeniya Tirk ev erîş bi qasî pênc saetan domandiyê û 144 kes birindar bûne. Xelkê Bozuyûkê pirani serbi Tirkçeşyan in û Reîsê Belediyê Ahmet Berberoglu ji ji partiya MHPê -faşîstên tirkçî- ye. Piştî wê erîşê li çend bajar û qezayên li Kurdistanê ji bi asayîşa Tirkan re hin pevçûn çebûn. Sê çar rojek ji ev bûyer wisa dewam kirin.


Tiştên em di medyayê de dixwînin, dibihîsin û dibînin aliyekî van rûdanayê. Lêbelê aliyeka di gellek giring ji heye. Ev alî veşartîye, xelk nabîne. Ev bûyer jiberxwe de peyda nebûn, spontan nînin. Ev giş bi plan û program çêdibin. Aktor û birêvebirên van bûyeran hene. Armançên wan politîk û civakî yê taybetî heye.

Em werin şer vî aliyê rûdanan, ya ku ji me re nexuyayî ye.

Li Tirkîyeyê du desthilatdarî heye. Yek desthilatdariya organên dewletê yê aşkere, ya di ji eva derveyê organên dewletê „hêza duyemîn, yanî „dewleta kûr“ e! Hemî tişt di destê wê hêzê de ye. Ev hêz oligarşiyek e û ji tefaqa general û hin sivilan pêkê. Serkêşê wê sistemê, general û sîbyayên rit-bebilind in, ideolojî û siyaseta wan (û ya dewletê) kemalîzm e. Ev oligarşî xwe xwediyê dewleta Tirk dibîne.

Di dema globalîzmê de ev cure sistem edî nameşe. Lê desthilatî şîrine, kes naxwaze ji destê xwe berde. Oligarşîya kemalîst ji berxwe dide. Kemalîst nikarin bibin demokrat, ew bûne ultra tirkçî-nasyonalist. Tirsê wan ya herî mezin ji kêşeya Kurd e. Pirsê ku ew bikarin pê bilîzin, Tirkan pê tehrîk bikin û ligor programên xwe bixîne hereketê ji cardin kêşeya Kurd e. Jibo wê yekê wan demên dawiyê wê kartê xwe ya belkî herî dawî bi kar tînin. Di musteweyeke sînorakî de dixwazin Tirk û Kurdan berdî hev, û wisa nasyonalistîya Tirkan xurt bikin û çavên Kurdan ji bitirînin. Hinek imralîci bûne aletê van leyistikan û mixabin gellek xuşk û birayên me ji bi dîyê vana dikevin. Hewce ye Kurd û Kurdistanî bi taybetî wê fetrê li dijî provokasyonan gellekî şiyar bin. Pûçkirîna planên qirêj bi xebata kurdewarî û bihêzkirîna dostaniya nav Kurdistanîyan mumkîn e. Kemalîst bi agir dilîzin, ev agir dê herî zêde wan bisewitîne.

# George W. Bush mazûbaniya Mam Celal kir



PK - Serokkomarê Îraqa Federal Celal Talabani, roja 13ê mehê li Qesra Sipî serdana Serokê Dewletên Yekbûyî yê Amerîkayê George W. Bush kir. Di encama hevdiînê de herdu serok derketin pêşîya endamên çapemeniyê. Serokkomarê Îraqa Federal Celal Talabani di civînê de li ser girîngiya rizgarkirina Îraqê û prosesa ji nû ve avabûna wê rawestîya û diyar kir ku gelê Amerîkayê ji bo miletê Îraqê qurbanî dan û hîn ji dide. Di derbarê destûrê de ji Celal Talabani ji rojnamevanan re diyar kir ku hinek kêmasiyên wê hene, lê ev destûr li Rojhilata Navîn, baştirîn û demokratîktirîn destûr e.

Celal Talabani da zanîn ku ew naxwaze leşkerên Amerîkayê, di demeke kin de ji Îraqê derkevin. Di derbarê tarîxa derketina Amerîkayê de Talabani nexwest tişteki bibêje û diyar kir ku ev yek, peyamên çewt dide terorîstan. Celal Talabani ji aliyê Bush ve weke yekemîn serokê Îraqê ye ku bi hil-

bijartinên demokratîk hatiye ser hukum hat pêşkêşkirin. Celal Talabani da zanîn ku Bush, dinya ji diktatorê herî xerab xelas kiriye û ji ber wê yekê spasiya cenabê wî kir. û da zanîn ku ewê wê yekê tucaran jibîr nekin. Celal Talabani gotin anî ser çapemeniya Ereb û got ku dive ew dest ji piştgirîkirina terorîzmê berdî.

Serokê Amerîkayê Bush ji, di axaftina xwe de diyar kir ku wê destega Amerîka jibo Îraqê bidome û wê Îraqê cihê xwe di nava demokrasiyên dinyayê de bigre. Di derbarê vekîşandina leşkerên Amerîkayê de ji Bush got, „Çiqasî Îraqî bixwe rabin û li ser lingên xwe bisekinin, wê hewqasî Amerîka vekîşe“. Jibo Serokkomarê Îraqê Talabani ji Bush ev gotin anî ziman, „Ew serrokekî wiha ye ku jiyana xwe jibo azadiya welatê xwe feda kiriye û ew dostê Amerîkayê ye“. Bush, ji bo serokatîya amadekirina destûra Îraqê ji spasiya Talabani kir û da zanîn ku ew pir kêfxweş dibe ku

Celal Talabani li ser nava Îraqê di komcivîna Neteweyên Yekbûyî de amade dibe.

Di derbarê vekîşina leşkerên Amerîkayê de berî niha Celal Talabani daxuyaniyek dabû ajansa Rûsî ya bi navê Interfax û wiha gotibû, „Heger leşkerên Amerîka vekîşin, wê kî rê li ber Tirkîyê bigre ku ew di bin navê parastina Tirkmenan de nekeve bakurê welat? Wê kî rê li ber Sûriyê bigre?“.

Xanima Serokê Amerîkayê Laura Bush ji pêşwazî li xanima Celal Talabani Hêro İbrahim Ahmed kir. Xanim Laura Bush, li nivîsgeha xwe ya li Qesra Sipî bixêrhatina xanim Hêro İbrahim Ahmed kir. Di hevdiînê de herdu xanim li ser rewşa Îraqê rawestîyan û Hêro xanim behsa rewşa zarok û jinên Îraqê kir. Tê gotin ku xanim Laura Bush ji piştgirîya xwe ji bo mafên zarok û jinan daye xuyakirin.

## ‘Em hêvî dikin ku YE gelê Kurd ji bîr neke’

PK - Çar rêxistinên demokratîk û çandî yê Kurd li Berlînê, İnstitûtê Ziwan û Kulturê Kirmanci (Zaza), Navenda Kurdî (Kurdisches Zentrum), Kurdistan Kultur und Hilfsverein (KOMKAR) û YEK-MALê bi minasebata nêzîkbûna hevdiînan bi Tirkîyê re, ji serok û wezîrên derve yê dewletên endamên Yekîtiya Ewropa (YE), Serokê Parlamentoya Ewropa, Serokê komîsyona berfirehbûna YE, Serokên grûbên Parlamentoya Ewropa û rêvebirên partiyên politîk yê Almanya re nameyek şandin. Di

nameyê de ji wan xwestin ku ew rewş û mafên gelê Kurd li ber çav bigirin.

Dezgehên Kurd di destpêka nameya xwe de eşkere dikin ku ev mijar direkt gelê Kurd eleqeder dîke û jiber wê yekê wan pêwîst dîtiye ku nêrînen xwe ragihînin. Çar rêxistin eşkere dikin ku gelê Kurd di sedsala 20em de rastî tevkûştînan û her cûrê zîlm û zordariyê bûye û „naxwaze ku di sedsala 21em de ji eynî tiştan bijî.“

Di nameyê de tê eşkerekirin ku di pêvajoya çareserkirina pirsê Kurdî de YE, heta niha ga-

vek berbiçav neavêtîye û Tirkîyê ji 17ê Çileyê Pêşîn 2004an û virde li şûna avêtina gavên ku rewşê çêtir bikin, zor û siyaseta asîmîlasyonê li ser Kurdan zexmtir kiriye.

Dezgehên Kurd di nameya xwe de dibêjin ku ew Krîterên Kopenhagê biçûk nabînin lê ew bi tenê jibo çareserîya pirsê Kurdî ne bes in. Dezgeh didin zanîn ku, ev pirs pirsê azadiya miletekî ye.

Dezgehên Kurd di dawîya nameya xwe de 13 daxwazên xwe yê ku divê di dema nêzîk de bînin bi cih anîn bi rêzê dikin.

# Hovîti û barbariya generalên 12 Îlonê ji wan re ma!

PK - Piştî dem û dewranên dirêj artêşa Dewleta Tirk careke din siyaset ji ser rîya xwe rakir û di 12ê Îlona 1980an de dest danî ser îktidarê. Artêşa Tirk bi barbariyek nedîtî kû lê tê Tirkîyê û bi taybetî jî Kurdistan da ber lingên xwe.

Heger em reqeman deynin ser masê wê tabloya aborî ya rejîma generalên faşîstên Tirk derkeve holê.

Milyonek û 683 hezar kes hatin binçavkirin. 650 hezar kes di mehkemeyan de hatin darizandin. 30 hezar kes jî Tirkîyê û Kurdistanê revîyan. 49 kes hatin şeniqandin. 600 kes bi cîneyetên „qesas nediyar“ hatin kuştin. 171 kes di zindanan de bi êşkenceyan hatin kuştin û 42 kesan dawî li jiyana xwe anî.

Le tabloya manewî? Gelo ew dikare bê tarîfkirin û famkirin?

Kî dikare êş û jana kesên ku di êşkenceyên fizîkî û psîkolojîk re derbas bûne his bike?

Kî dikare êş û jana keç û jinên ku jiber êşkenceyên lê hatinekirin nikarin zarokan bînin û bibin dayik bijî?

Kî dikare êş û jana mêrên ku jiber êşkenceyan ji mêranîya xwe ketine parve bike?

Bawerîya wan ya ji xwe şkestî vegefirîne?



Li Arjantîn û Şîlî jî generalên faşîst darbe kirin û eynî zilm kirin.

Lê îro herdu artêşan jî ji gelê xwe lêborîn xwestine û suçdar darizandine û ceza kirine. Ev pêvajoyê li welatên navborî îro jî dom dike.

Ew generalên Tirk in, çî dikin ji wan re dimîne. Piştî 25 salan jî li vî welatê ku amadekariya endametiya Yekitiya Ewropa dike, Kurdistan di bin lingên generalan de dinale. Ji sala 1984an û vir de tablo giran-tir bûye. Li gora reqemên

resmî 40-50 hezar însanên me kuştin, li dora çar hezar gundên me valakirin. Bi milyonan însanên me ji warê bav û kalan derxistin û berê wan dan bajarên nenas û bi zindî kuştin.

Lê vir Tirkîyê ye? Tirk çî dikin ji wan re dimîne!

Ew fêrî vê bûne. Generalên Tirk ne lêborîna xwe xwestin ne hatin darizandin û cezakirin.

Generalên Tirk lêborîne naxwazin, nayên darizandin û cezakirin.

Evdila Ocalan lêborîne

dixwaze. Evdila Ocalan di-din darizandin û cezakirin.


Jibo darizandin û cezakirina generalan tu dengê ku wek deng ku xwe bigihîne derekê dernakeve. Dezgehên Tirkan yê hiqûqî, partiyên siyasî, dezgehên sivil û zanîgehên Tirk bila bi veyba xwe bimînin.

Generalên Tirk zen dikin ku bi dînî dikin û biaqilî dixwin. Bila weha zen-bikin.

Sedamê cîran, heval û dostên wan jî weha zen dikirin.

**nirxandin**

Ömer ÖZMEN



## Polîtîkayên nû bi aktorên kevin nameşin

Van demê dawî, di hinek kovar û malperên Kurd de, nivîsarê birêz Ayhan Çiftçi û Murad Dagdelen, bi taybetî bala min dikişand.

Di Pirozbahiya salvegera Peyama-Kurd de, min bi van herdu siyasetmedarên Kurd re imkana hevnasîyê û sohbetkirinê bidestxist.

Di kûrahiya sohbetê de, dema min di derheqê cûnta 12 Îlona 1980ê, pîrsek pêşkêşî birêz Ayhan kir. Bersiva min weha da: „Kek ez wê demê 8 salî bûm.“

Wexta min tēgihiştûna fikir û ramanê Ayhan û ciwanîya wî da ber hevûdu, bi rastî, ez jî pêşeroja tevgera bakurê Kurdistanê geleki hêvîdar û bextewar bûm. Di van salên dawî de, çiqasî tehrîbat çêbûbin jî, cardin berhemên nû hatine afirandin.

Bi gorê pêşdeçûn û guhertina cihanê, pêdiviya jinûverexistina tevgera bakurê Kurdistanê, wek pêdiviya nan û avê derketiye holê. Lê mixabin tevger, hin bi giranî jî terefên aktorên dema şerê sar ve tē domandin. Ev aktorên siyasî, çiqasî dilsoz dibin bila bibin, çiqasî argumentên xwe diguherînin bila biguherînin, bi hêsariyê nikarin xwe ji bin bandora totalîtarîzma şerê sar rizgar bikin. Gelemperîya wan, di nav rêxistinên totalîter de, bi gorê metod bîr û hizir, îdeolojî, çand û exlaqê otorîte-riyê hatine perwerdekirin. Her çiqas proje û perspektîfên liberal û demokrat referans girtibin jî, nikarin çalekiyên xwe yê pratîkî kontrol bikin. Çanda parvekirinê hezîm nakin. Pîr caran berjewendiyên xwe yê rêxistinî an jî şexsî li pêşîya berjewendiyên netewî dihesibînin.

Meriv dikare bêje ew rewşa aktorên siyaseta Kurd, li pêşîya hevgerîna û ittifaqa Kurdan astengiyek e. Wan demê dawî bûyer û nakokiyên di nav parti û platformê legal de cereyan dikin minakên balkêş in. Baş xuya kiriye ku, POLITIKAYÊN NÛ BI KADROYÊN KEVIN NAYÊ MEŞANDIN. Divê potansiyelên nuh sirayetê polîtîka nû bike. Rêbaz, çand, bîr û hizir, hewildanên pratîk bi gorê demokrasiya nûjen bête hunandin. Ji bo ku pîr-girêka Kurd, di şert û zirûfên îroyîn de, ji dervayê pîr-girêkek siyasî, di heman-demê de gihiştîye qonaxê akademîk. Bi rêbaz û teknîkê prîmitîv nayê çareserkirin.

Her weha demokrasiyê wek mekanîzmayê pîrdengî, pîrrengî û wekhevî bixwaze jî, siyaset, projeyêke bijartîye (elît) pêdiviya wî, tim bi nûhkirinê heye.

Bêguman, ew siyasetmedarên ku 30-40 salin di nav tevgera Kurd de bedel didin, kesên hêja ne, xwedî maharet û tecrubên girîng in. Ew maharet û tecrubên xwe dikarin di platformên sivil de wek çapemeniyê, şewirmendiyê û dezgehên çandî de pêk-bînin. Rê li pêşîya siyasetmedarên ciwan û nûjen vebikin.

## „Pirsa Kurdî çareser bikin“

PK - 120 siyasetmedar, nivîskar, akademisyen û rewşenbîrên Ewropî di 14ê mehê de îlanek bi sernavê „Li Tirkîyê jibo aşîfî û diyalogê bang“ di rojnameya Le Monde de weşandin û daxwaz kirin ku pîrsa Kurdî bê çareserkirin.

Di îlana siyasetmedar û rewşenbîrên ku navên weke Massimo D'alema, Daniella Mitterand, Günther Walraff û xwediyê xelata Nobelê Imre Kertész (Macarî) jî di nav de ne weha tē gotin:

„Pirsa Kurdî hîn nehatiye çareserkirin. Wexta mijar tē rojevê, rayedarên Tirk helwesta xwe ya hişk didomînin û helwestek ku hêrsdariya civakî zêde dike dişopînin. Di vê rewşa krîfîk de grûbek rewşenbîrên Tirk jibo rawestandina operasyonên leşkerî û şidetê



bangêk kirin. Serokwezîr Recep Tayyip Erdogan li ber raya giştî hebûna pîrsa Kurdî qebûl kir... Qebûl kir ku di siyaseta Kurdî de hin xeteyên Tirkîyê hene û di çarçoweya pêvajoya refor-

mên demokratîk de çareserkirina pîrsê parast. Me bi ûmidê pêşwaziya vê siyaseta çêker (yapıcı) kir. Li gel vê, di paşerojê de ev cur îfadeyên polîtîkî jî teoriyê wê de neçû. Agirbesta 1 mehî


ya ji terefê Kurd hat îlan-kirin rûdaneke din ya çêker e. Ev nîşana aşîxwaziya KONGRE/GEL e. Em daxwaz dikin ku herdu teref jî jibo aşîyê çî ji destê wan tē bikin. “

# Peyama Kurd yeksaliya xwe pîroz kir!

Roja şemiya derbasbûyî (10.09.2005) rojnameya we Peyama Kurd, yek saliya xwe li gel dost û heval û rewşenbîran bi koktêleke biçûk pîroz kir. Mêvanên koktêlê, weke naveroka Peyama Kurd rengîn bûn, ji her cure nerîn, siyaset û dîtinê bûn. Kesayetên weke *Yaşar Kaya, Bayram Ayaz, Nejdît Buldan, Baran Hemze, Rûken Hemze, Bawer Serzende, Behcet Aşar, Şukru Gulmuş, Fettah Tîmar, Dilbixwîn Dara, Omer Ozmen, Ayhan Çiftçi, Metîn İncesu, Muzaffer Ozgur, Zekî Oztürk, Murat Dagdelen, Mehmet Tanrikulu, Mele Bedreddîn û Cemîl Xoçe* amade bûn. Ew ji bo pîrozkirina yeksaliya rojname û piştigiriya xebatkarên wê li hev kom bûbûn.

Piştî ku mêvanên koktêlê tev amade bûn, Bayram Ayaz ku yek ji xwediyên Peyama Kurd e, bixêrhatina mêvanan kir û bi kurtî li ser girîngiya Peyama Kurd axivî. Ayaz da zanîn ku Peyama Kurd, ji bo her cure nerîn û dîtinên Kurdistanî platformeke azad e û ew dewlemendiye di nerînên cuda de dibînin. Bayram Ayaz, bi helkefta yek saliya rojname, spasî û razemendiya xwe pêşkêşî xebatkarên Peyama Kurd kir û got, "yên ku rojname gihandine vê radeyê, ev heval in. Em ji kar û xebata wan razî ne û em hevî dikin ku ew di dema pêş de jî bi heman ahengê xebata xwe bidomînin".

Piştî xwarin û vexwarinê, weke temamê civîn û şahiyên Kurdan, her komekê dest bi gotûbêja mijarekê kir. Di nava komikekê de rojnamegeriya Kurdî, di nava komikekê de jî siyaset û yekîtiya Kurdan dihat gotûbêjirin. Komekê jî piştî xwe dabû temamê mijarên siyasî û berê xwe dabûn Mele Bedreddînê ku destê xwe dabû ber guhê xwe û qîr kiribû kilamên Şakiro. Di vê navberê de hevalê me Fadil Ozçelik, teyba xwe xist destê xwe û di derbarê rewşa çapemeniya Kurdî û Peyama Kurd de li nerînen hinek mêvanan pirsî. Di derbarê vê mijarê de mêvanên koktêla Peyama Kurd wiha axivî



## Şukru Gulmuş- (Rojnamevan)

Rojnamegeriya Kurdî bi serê xwe tune ye. Ew li ser navê partî û rêxistinê heye. Ji ber ku hîna Kurd nebûne dewlet, mirov nikare behsa rojnamegeriya Kurdî jî bike. Bi kêmanî ev yek li bakurê Kurdistanê tune ye. Îro bi tenê liser internetê rojnamegeriyeke kurdî heye. Wekî din tev di destê partîyan de ye. Li Tirkîyê ji heftiyê carekê Dema nû derdikeve û li vir jî Peyama Kurd heye. Ji xeynî van ka çend rojnameyên heftane û mehane hene? Tunene. Gelek pirsgrêkên me hene. Wek nimûne, niha saleke we qediya, ka ji xwe bipirsîn, we di nava salekê de çend caran rojev xist destê xwe? Hûn çend caran bi manşetên xwe ketin rojêva Kurdan û Tirkîyan? Ev girîng e. Mele Krêkar li vir li Holenda bû, heger Peyama Kurd xwe bigihan da Mele Krêkar û daxuyaniyeke balkêş ji devê wî belav bikira, bi ihtimaleke mezin wê rojname bi wê yekê bihata naskirin. Rojname bi hinek tiştan tîn naskirin. Televizyona El Cezîrê bi Usame Bin Ladin hat naskirin. Rojname jî bi manşetên wiha tîn naskirin, lê ev yek nehatiye kirin.

## Fettah Tîmar- (Serokê Giştî yê Komkar)

Astengiyên rojnamegeriya Kurdî gelek in û sedemên wê jî pir in. Pirsgrêka me ya herî mezin, ziman e. Kurdên ku dikarin bi Kurdî bixwînin, naxwînin û yên ku nikarin bixwînin jî hewl nadin ku fêr bibin. Ez dibêjim temamê xebatkarên çapemeniya Kurdî dikarin taqeta xwe bikin yek û rojnameyêke rojane derxînin. Divê çapemenî ji bin destê partîyan derkeve. Ez nabêjim bela partî qet alîkariyê nedin çapemeniyê, bêyî alîkariya partîyan nabe, lê divê rojnameyên partîyan û yên giştî ji hev cuda bin. Peyama Kurd jî weke Dema nû bi navê hinek partîyan tê naskirin. Lê ji bo min ya girîng naveroka wê ye. Niha li bakurê Kurdistanê, li aliyekî çapemeniya Tirkîyê heye û li aliyê din jî çapemeniya PKK heye, ew mîletê me baş agahdar nakin. Di rewşeke wiha de pêwîstî bi rojnameyên weke Peyama Kurd û yên din jî heye. Pêwîstiya bakurê Kurdistanê bi rojnameyêke rojane heye. Ji bo ku xwendin were hêskirî, divê rojnameyên me nivîsaran kurt bikin û tîxin çarçoveyêke balkêş.

## Bawer Serzende - (Rizgarî)

Pirsgrêka çapemeniya kurdî û pirsgrêka ziman, ne ya îro ye. Di salên 70î de dema ku siyasetmedarên Kurd dest bi siyasetê kirin, bi Tirkî dest pê kirin. Li gora min, ev şasiya herî mezin bû. Piraniya rêxistinên me di nava xwe de bi Tirkî diaxivin. Heger îro hejmara firotina rojnameyên Kurdî negihîje 10 hezaran, 20 hezaran sedema wê ew siyasete kevn e. Divê em ji bir nekin, tiştê ku me ji kolonyalîstanê cuda dike, zimanê me ye. Ez wek rojnamevanekî dixwazim ku zimanê rojnamegeriya Kurdan, Kurdî be. Li bajarên bakurê Kurdistanê bi Kurdî nayê axaftin, li Ewropa Kurd bi Kurdî naaxivin. Ev xetereke mezin e. Kîjan rêxistin dibe bela bibe, ewên ku di çapemeniya xwe de zimanê Kurdî bikar tînin, ez rêz û hurmeta wan digrim. Ez dixwazim di dawiyê de bibêjim ku ji bo me Kurdên bakur, ajanseke serbixwe û netewî lazime. Divê temamê çapemeniya Kurdî hewl bide ku ajanseke netewî ava bike. Divê em rêza nerîn û ramanên cuda jî bigrin. Temamê xebatkarên çapemeniya Kurdî birayê me ne, tiştê em nabînin ew dikin, yê ku

ew nabînin em dikin. Lê divê em karê hev saxtî bikin û hevdu agahdar bikin.

## Baran Hemze (Berpirsyarê PDK-Bakur yê derve)

Gelek caran girêdana di navbera Peyama Kurd û PDK-Bakur de tê gotûbêjirin. Ez dixwazim li vir pêşkêşî bibêjim ku Peyama Kurd xwediyê xetere netewî ye û serbixwe ye. Ew tucaran nebûye weşana fermî ya PDK-Bakur û ji vê û şûnve jî nabe.

Armanca derxistina Peyama Kurd ew bû ku hemû civak xwe di wir de bibîne û ew bibe dengê herkesî. Ji navê wê jî xuyaye ku ew ne Peyama PDK-Bakur e, lê ew Peyama Kurd e. Wê herdemê jî wisa bimîne, lê PDK-Bakur jî wê herdemê di aliyê maddî û manewî de piştigiriya vê rojname bike. Lê ewê qet destdirêjiya nava rojname neke û wê ew her serbixwe be. Em bi kedkar û xebatkarên Peyama Kurd jî serbilind in. Di nava salekê de Peyama Kurd xeta xwe diyar kir û temamê alîgirên me, dost û hevalên me jî dîtin ku Peyama Kurd birastî Peyama Kurd e.

Peyama Kurd bi amatorî dest bi kar kir û karekî pir profesyonel kir. Di vî alî de ew rojnameyêke serkeftî ye. Em gelekî ji redaksiyon û xebatkarên rojnameyê razî ne. Tiştê herî girîng jî temendirêjiya rojname bû. Ew bi sê zaravayên Kurdî derdikeve û dikaribû salekê bi berdewamî derkeve. Em hevî dikin ku temenê wê dirêjtir bibe û ew bikaribe di pêşerojê de karekî baştir bike. Tu biryareke girtina Peyama Kurd tune ye. Hêta ku derfetên me hebin, emê Peyama Kurd derxînin. Tu pirsgrêkên me di vî alî de tunene. Hinek kêmaniyên ku di warê peyamnêran de hene jî wê werin çareserkirin û em dixwazim di dema pêş de Peyama Kurd li Bakurê Kurdistanê jî çap bikin.

## Murat Dagdelen (Rojnamevan)

Ez bixwe jî rojnamevan im, di salên 1990an de min jî rojnameyek derxist. Navê wê "Rojêva Gel" bû û bi zimanê Tirkî







derdiket. Ew di demeke kurt de hat qedexekirin û girtin. Hûn di pêvajoyeke pir hestiyar de derketine. Pêwîstiya Kurdan bi rojnâmeyeke wiha hebû. Di 20 salên dawî de Kurd hatin li deverê rawestiyar û dîtin ku tiştek nehatiye bidestxistin. Pêwîst e ew hesabê 20 salên dawiyê bikin û ji bo pêşeroja xwe riyekê nû vekin. Di demeke wiha de Peyama Kurd derket. Peyama Kurd çiqasî girîng e, ew çî dide Kurdan û ji bo wan tê çî wateyê divê were gotûbêjkin.

Lê ew berendamêke siyasî ye ji wan berendamên ku bikaribin di vê demê de rê û rêbazê nû bidin ber xelkê Kurd. Ew dikare rê li ber wê yekê bigre ku Kurd bi xwe xwe înkâr bikin. Dikare mafên gel yê bingehîn biparêze û bi wan bide parastin. Ew hewl dide ku xebateke baş bike. Em jî weke siyasethedar û rojnâmevanên Kurd xwe mecbûr dibînin ku piştgiya hewldana Peyama Kurd bikin.

#### Ayhan Çiftçi

Gelek aliyên çapemeniyê hene. Em civakeke mezinin. Ji 40 milyonî zêdetir Kurd hene. Lê belê sinorê medya me, bi qiyas li gora vê hejmarê ne mezin e. Hina bi dehan TV bi se-

dan rûpelên Internetê û bi qasî wan jî rojnâme pêwîst in.

Mesela me Kurdan ev e: Emê çawa bikaribin çapemeniyê serkeftî, hemdem, profesyonel û rojane pêk binin. Bi nerîna min pirsgirêk ev e.

Dîroka çapemeniya Kurdî bi bizava milli re dest pê dike. Yanî rojnâmevanî li gel me herdemê bi siyasethê re meşiyaye ji ber ku hêzên me yê civakî, yê ku ev wezîfe bikirana tunebûn.


Xeta siyasethê tim li ser rojnâmevaniyê tesîr kiriye. Di aliyê siyasethê de Kurdên bakur ev 40 sale tu guhertin çenekirine. Ji ber vê yekê çapemenî jî xwe bi vî metodê kevin dúbare dîke. Rojnâme û TV yê partiyên siyasîne.

Di civaka me de lazime hêzên ne siyasî jî dest bavên çapemeniyê. Rojnâmeyek eger nikaribe xwe finanse bike, nikare profesyonel xebatê jî bike. Çapemeniya me mixabin tenê bi hedefên siyasî derdikeve. Lê belê hevrik di saha çapemeniyê de tune ne.

#### Newroz Bawer

Di nava me Kurdan de pîrsa xwendinê, janneke mezin e. Ne bi tenê di nava xelkê de, di nava rewşenbîran de jî wiha ye. Ji ber

vê yekê Peyama Kurd û Dema nû jî bi astengên mezin re rûbirû mane. Ji bo ku alîkariyê aborî bi rojnâmeyê re nekin, dibêjin "em li ser internetê dixwînin". Heger ku alîkariya aborî nebe, rojnâme hem di aliyê nûçe û nivîsan de, hem di aliyê belavkirin û firotinê de jî qels dimîne. Xwezî rewşenbîrên me bi qasî ku girîngiyê didin Hurriyet û Milliyetê, hewqasî bidana van herdu rojnâmeyan Kurdî jî. Li gora min astengiya herî mezin ewe ku rojnâmeyan me nikarin karekî profesyonel bikin. Divê ji bo vî karî xezîneyek hebe ku rojnâme û rojnâmeger bikaribin karê xwe pê bikin. Heger aliyê siyasî yê derveyî cebheya Îmraliyê bikaribe hêza xwe bike yek û rojnâmeyeke netewî derxîne wê ew cihê Dema nû jî û yê Peyama Kurd jî dagre. Lê pêwîste ew pirreng be, wekî bazinêkî fereh temamê nerîn û dîtinên sosyalîstî û lîberalî di nava xwe de hebêz bike. Wê demê bela Peyama Kurd û Dema nû jî hebin, bela 50 rojnâmeyan din jî hebin. Divê em bakurî serê wê li ser vê yekê biêşînin. Divê Peyama Kurd û Dema nû di nava rûpelên xwe de gengeşiya vê yekê bikin.



*Bi minasebeta salvegera Peyama Kurd me ji gelek abone, xwendevan, dezgeh û rêxistinên Kurd pîrozname wergirtin. Hinek ji wan bi pêşniyar, gazind û rexnen dostane bûn. Redaksiyona me wê di civîna xwe de van hemûyan li ber çav bigire û encamên pêwîst jê derxîne. Tu kes bi serê xwe nikare bigihê tu derekê. Encax em bi hev re dikarin dibin qewet. Hinek pîrozbahtî bi armanca piştgiya û spasiyê hatine şandin. Em bi van dost û hevalên xêrxwaz jî kêfxweş dibin û enerjîyek pozîtîf ji wan wergidirin.*

*Mixabin, ne çî ne jî îmkana me heye ku em li vir nav û pîroznameyan hemû dost û hevalên xwe yê hêja bi bir binin.*

*Bi telefon û e-mailan emê xwe bigihînin hemûyan. Li vir em tenê dikarin spasiya xwe ji wan re pêşkêş bikin û daxwaza jiyaneke bextewar û welatekî azad bikin. Em pîroznameyan çend sazi û rêxistinên Kurd li jêr belav dikin.*

*Ji berpirsiyar, nivîskar û xebatkarên Peyama Kurd re Dawetname we ya devkî, roja îne gihîste min. Ji bo yê sedemê min mecal nedît ku beşdarê pîrozbahîya we bibim. Peyama Kurd, di çapemeniya Kurd de rojnâmeyeke balkêş e. Xebateke bi rûmet dîke.*

*Ez jî bo Peyama Kurd emreki dirêj, ji bo we jî, serketinê dixwazim.*

*Slav û rêz*

**Necia Morsünbül**

**Berpirsiyara Rojnâme Dema-Nû ya Dervayî Welat**

*Birêzan desteya Xebatkar û Nivîskarên Peyama Kurd Em wek xebatkarên malpera Rizgarî Online yê, bi salroja damezrandina rojnâmeya we, germtirîn pîrozîyan li we dikin û hevidarin Peyama Kurd her roj pêşve biçûn. Bi rastî ev karê ku we li derveyî welêt daye ser milê xwe, karekî giran û her wisa karekî pîroze. Li dij asimilasyona çanda Kurdî bendekî saxlem e. Di wî karê we yê bi rûmet de em wek xebatkar û birêvebirîya malpera Rizgarî Online yê, ji bo we alîkari û hevkarîya xwe diyar dikin û her bi serkeftin bimînin ji bo xizmeta rojnâmevaniya Kurdî.*

*Careke din salvegera we ya yekemîn pîroz be. Di gel rêz û silavan*

**Li ser navê xebatkarên Rizgarî Online**

**Editorê malperê**

**Mistefa Sarica/Elmanya**

*Ji Berpirs û Xebatkarên Peyama Kurd re, Rojnâme û Kovarên ku bi zimanê Kurdî wesandê dikin, di dîroka Kurdistanê û di xizmetên ji bo ÇandaKurd îde cihêkî taybetî digrin.*

*Rojnâmeya Peyama Kurd jî yek ji wan Rojnâmeyan e ku xizmetê ji çapemeniya Kurd û zimanê Kurdî re dîke.*

*Li gel ku ji bo-pîrozkirina Yek Salîya vê rojnâmeya me, em ne hatin vexwendin û ne jî dîtin û mesajek ji me hate xwestin, ez bi ser navê PKE - Platformê Yek Salîya Peyama Kurd Pîroz dikim û temneki dirêj ji wê re dixwazim.*

*Her Serkeftî bin...*

**PKE-Platform Azîz Alîs Berdevk**

*Em weke berê, îro jî girîngiyek mezin didin rojnâmevaniya Kurdî. Di salên bihurî de kovara me Tirêj ku xwerû Kurdî bû 12.500 hep dihat çapkirin û hema temamiya wê jî dihat firotin. Piştî darbeya faşîst cara yekem me dest bi weşaniya legal kir û Medya Guneşî derxist ku li Tirkîyê, Kurdistanê û derveyî welêt wek bombeyekê teqîya.*

*Mixabin di van salên dawiyê de bakurê Kurdistanê him di warê siyasî de û him di warê rojnâmevaniyê de di rewşek xeter re derbas dibe. Li bakurê Kurdistanê ku berî sala 1980î bi sedhezaran rojnâme û kovar dihat xwendin û firotin, îro xwendevan tunene û ew taybetmendiya xwe wenda kiriye.*

*Piyaseyek rojnâmegeriya Kurdî êdî nemaye. Li bakur hejmarê kovar û rojnâmeyan Kurdî êdî bi hebokan e û hemû ji vî karî zirarê dikin. Ligel vê yekê jî divê ev kar her bê kirin û wek kelemekê di çavên dagirkeran de be.*

*Di warê medya elektronik de PADEK xebatên xwe didomîne. Lê li gor min ya esasî rojnâmegeriya nivîskî ye.*

*Di vî warî de jî ger îmkân û derfet hebin bi çî berdêlê dibe bila bibe divê ev kar îhmal nebe.*

*û PADEK jî wê her di nav vê hewldanê de be.*

**Bahoz Amed (Partiya Demokrasi û Azadiya Kurdistanê-PADEK)**



# Mesûd Barzanî : Tesîrî şoreşî elûl hama zi ho rûmeno

PK - Kurdistan- Serekî Kurdistan Mesûd Barzanî 11î elûl de bi minasebetî 44 serrîye şoreşa elûl televîzyon de şarî Kurdistan re qîsêkerd.

Mesûd Barzanî 44 serrî cuwa ver, ewro bin serekîyê nemir Melle Mistafa Barzanî de şoreşî elûl dest ci kerd va û qîsêkerdişî xo îna rûmna: Şoreşî elûl yew şoreşo gird bi, çimkî bi no şoreş dewij, karker, esnaf, roşnîr, esker, memûr û heta serekeşîr piyerê şarî kurd bin serekîyê Mistafa Barzanî û PDK de bi yew. Nê şoreşî doze Kurdistan da piyerê din ya sinasnayîş. Na roj bi guîne şehîdanî Kurdistan biya yew roja tarîxî. Tesîrî nê şoreşî Iraq de, dewletanî cîranan de û her çehar parçe Kurdistan de hama zi ho rûmeno.

Şoreşî elûl newe yew bawerî da şarî Kurdistan. Şoreşî elûl

netewî bi û zaf muhîmê dayni azadiye. Nê şoreşî myanî şarî Kurdistan de yewbiyayîş ard meydan. Ça beno wa bibo peşmergeyan bi eynî armanca şer kerd û piyerin xo myan şoreş de dî.

Şoreşî elûl se medî xelaskerdişî Kurdistanê kar û xebat kerd. Erdê Kurdistanê amê xelaskerdiş, peşmergan bi gan û guîn duşmenan ra querî kerdên. No erdo xelaskerde de malman ders dayn wendoxan û doktoran nêweşî dari kerdên. Şarî Kurdistan îta de myan emniyet û edalet de ciwiyayn.

Şoreşî elûl newe yew bawerî da şarî Kurdistan. Şoreşî elûl netewî bi û zaf muhîmê dayni azadiye. Nê şoreşî myanî şarî Kurdistan de yewbiyayîş ard meydan. Ça beno wa bibo peşmergeyan bi




eynî armanca şer kerd û piyerin xo myan şoreş de dî.

Şiyarî şoreşî elûl „ Kurdistan re otonomî, Iraq re demokrasî „ bi. Barzanî yo bêmerg bawerkerdên ke heta persê Kurdistan çarenêbo, Iraq de

tek yew pers çare nêbena. Se-medî piyerê Iraqa zi projeyî şoreşî elul bî“.

Mesûd Barzanî îna qîsêkerdişî xo gire da:

Biciwiyo şoreşî elul, biciwiyo Kurdistanê yewbiyayê



Selim Çürükkaya

## Evrenî sima, bu herî ma

Vîst û panc serrî cuwa verî Kenan Evren û embazanî xo Tirkiye de dest na hukmat ser.

Înan parlemanto kerd vila, partî qefelney, her çiy da bin destî eskeriya.

Kam ke emirî İnan qowil nêkerd, İnan o kişt. İnsan tersayî, bêveng mendî.

Ma o wext zindanî Diyarbekir de bi. Kenan Evren û embazanî ey zindan kerdib sey ceħnim.

Yew roj eskeranî Kenan ma kuên. O wext Xeyrî Durmuş zi ma het de bi.

Yew eskerî Xeyrî ra pers kerd, va: To de guîne tirkan çîna?

Xeyrî va: Guîne tirkan, guîne kurdan çîna, guîne esta.

Eskerî va: Nê, damarê to de guîne tirkan esta nûn çîna?

Xeyrî va: Ez doxtora, gurubî guîne estî, la go-reyî mîletan guîne çîna

Esker sey herî axuran bi, ey fehm nêkerd, ma kuey

O ma ra vûno: Ganî şîma vacî ke ma de guîne tirkan esta.

La ma çew nêva ke guîne tirkan ha damaranî ma de a.

Hîrê rojî badî nê hadîseyaya ma rojnameyî tirkan wend.

Kenan Evren vatib: Hepîsxaneyanî ma de taye insan estî, ê vûnî ke damaranî ma de guîne tirkan çîna.

O wext ma fehm kerd ke zindanan de çîney ho beno, rojo bin Kenan Anqara de pey hesiyeno.

Rencber Aziz bile heq nêvatib: Evrenî şîma, herî ma Şu kot miyanî keyberî ma Pat alîçiyerî ma

## PKE serekî Parlamentoyî Yewbiyayê Ewropa Josep Borrell re yew name şawit

PK - Platforma Kurdên Ewropa (PKE-Platform) serekî Parlemtoyî Ewropa Josep Borrell re yew name şawit. PKE no namê xo de balî YE ûnceno persa Kurdistan ser û ûno ziwan ke heta persa Kurdistan çarenêbo, rojhelata bênatîn de aştî nêbena.

PKE no name de xeletyanî taye kurdan ser zi vindeno û no derheq de vînayê xo îna anû ziwan: Şîma hol zûnî ke, kesî sey Leyla Zana, Alî Yiğit, Osman Baydemir, Orhan Pamuk û ê sey İnan wazenî şarî kurd întegreyî Komara Tirkîye kirî û wazenî şarî kurd waştayanî İnan ê bîngêhî dûr finî. Bi vateyo bîn ê wazenî ke şarî kurd fek heqanî xo yê neteweyî û demokratîk veradî. No rid ra nê kesî nêşkenî bibî nûnerî dozê şarî kurd û nêbeno ke ê sey nûnerî şarî kurd biyerî qebûl kerdiş.

## Komîte nuştîşî destûrê Kurdistan awan bi



Hewler - Hefteku vîyert komîte nuştîşî projeyî destûrê Kurdistan awan bi. No komîte de piyerê partîyan ke parlemanto de yenî temsîl kerdiş estî. Xercî İnan temsîlkarî tirkman, keldanî, aşûrî û çend kesî pişpor û zana zi teberî parlemanto ra no komîte de ca genî.

Serekî parlemntoyî Kurdistan Ednan Muftî eşkira kerd ke no proje hêver perî 36 partîyanî Kurdistan amewo morkerdiş û cuwa pey zi parlemto de ameyo qebul kerdiş. No komîte ke niha ameyo vîcnayîş,

xebatê xo birûmno û piyerê vînayê, projê ke no derheq de eşkira bî, İnan re fedê bigîro.

Cagîrotê serekî parlemanto Dr. Kemal Kerkükê zi va: No komîte hêver destûr amede keno, na destûr peşkeşî parlemanto keno û parlemanto de destûr ser mînaqaşayî yenî kerdiş; no hala destûr yena çap kerdiş. Her kesî ke biwazo eşkeno na destûr ser vînayê xo binuso. Nê peşniyarî şar zi geriyenî çîman ver û şeklo peyîn hêna parlemanto de yeno qebûl kerdiş.

## Gexi

Gexe hêverî binî hukmî Etiyan û Urartuyan mendo. Cuwa pey yew mude zi binî hukmî İskitiyan de mendo. İskender zi ameyo Gexe giroto. Mîlata veri esrê didin de Gexê koto binî hukmî Roma û bacê zi Bizansiyan.

1071 de Gexe koto binî hukmî Selçukiyan û İnan ra zi koto binî hukmî Osmaniyan. Gexe sey sençe heta 1926 pabestê Erzîrum bi. 1926 de Gexe veri bestiya Erzîngan a, cuwa pey zi 1936 de bestiya Bingol a.

Na navçe de kurmancî elewî, kurmancî sunnî û kirmancî (kirdî) elewî estî.

### Ehmedê Dirihî

Açıkgüney  
Ağaçöven  
Alagöz  
Baklalı  
Bilice  
Çanakçı  
Çiçektepe  
Çomak  
Dallica  
Darköprü  
Demirdöş  
Durankat  
Duranlar  
Eskikavak

### Dewî Gexîyî / Kiğı Köyleri

Sivgelik  
Hoxas  
Alagoz  
Unguzuk  
Bilêce  
Çanaxçı  
Abvank  
Çomag  
Oxas / Xogas  
Xurs  
Tirikan  
Uzunmasat  
Axbuzut  
Arêk

Eşme  
Güneyağul  
İlbeyi  
Kadıköy  
Kutluca  
Nacaklı  
Ölmez  
Sabirtaş  
Sırmaçek  
Tekbaş  
Topraklık  
Yazgünü  
Aşağı Serinyer  
Yukarı Serinyer

Sivariş  
Cibirkooy  
İlbeyi  
Qadikoy  
Hocatur  
Avirtinik  
Ölmez  
Xorxor  
Kejikan  
Dizvas  
Hequstun  
Xupus  
Gajika Jêrin  
Gajika Jorin

## Bisilminê û Arminî

Îrfan Kaya

Wextî qirkerdîşî Arminiyan de yew bisilmune şino ke cîrûnî xo ê Arminî bikişû. O cîrûnî xo pawenû, cîrûnî ey veciyenû şinû cit, vi zi dima şinû miyûn hegay ey di cîrûnî xo tepişenû.

O vûnû:

Gawir lacê gawir yan ti eşedê xo anî, yan zi ez to kişenû.

Arminî kuenû cîrûnî xo layk, vûnû:

Cîrûn to çi xirabe mi ra diya ke ti mi kişenî?

Bisilmune vûnû:

Ti sey mi bisilmune nî, ti gawirî eyey ra ez to kişenû.

Arminî oniyenû ke çarê ey çinû, o vûnû:

Dê ti mi ri eşedê xo biya, ez zi to dima vacî. Ez zi sey to qayila bisilmune bî.

Bisilmune vûnû:

Kutik zey kutik la ez zûna ke ez to ra vacî.

Arminî ageyrenû ci vûnû:

La ti nizûnî se qey ti mi kişenî?

## Rexistina Ef ê enternasyonal kurdistan de şubê xo akerd

Silemaniye - Rêxistinê Ef ê enternasyonal (Amnesty Internatonal) 8î elûl de bi hawayî fermî bajarî Silêmaniye de yew şube akerd.

Goreyî agahdariye Pukmedia, 8ê elûl de Silemaniyê, Kerkûk, Hewlêr û Xaneqîn re bi hedrebiyayîşî zaf kesan, AÎ Koşkê Mîr de şubeyî xo akerd.

Mesûlî AÎ Cebâr Mîrza va: Ma kurdistan de heqî însanan ser xebat bikerî.

## Kurdistan de polisî ke cîniyî dîplomayî xo girotî

PK - Emniyetî Silemaniye raya verîn polisî cîni perwerde kerdî inan bi yew merasîma dîplomayî xo girotî.

No dewreyî perwerde kerdîş de Derbendîxan de 25 cîniyan bi yew merasîma dîplomayî xo û xelatî girotî.

Na merasîmê dîploma dayîş de temsîlkarî wezîrtîye karanî zerrî, serekî emniyetî mintîqayê Germiyan û polisî Derbendîxan hedre bî.

## Holhol de festîvalê Sûlbûs Sultan Memed viraziyyay



PK / Holhol - Emser raya yewin navçeyî Çolîg Holhol (Yayladere) de bi nameyî festîvalê Sûlbûs Sultan Memed yew festival viraziyyay.

Na festîvalê Sûlbûs Sultan belediyaye Holhol organize kerd, la komelanî paştgirotîşî Holhol zi hedrekerdîşî festival de ca girot. Samedî na festival bi taybet İstanbul ra zaf Holholij amê welatî xo û festîval de ca girot. Komelê Kay-Der ke İstanbul de aktîfa destek da festîvalê Sûlbûs Sultan.

# Abdumelîk Firat: Hereketa Şex Seîd de roşnvîranî Kurdistan wazîfeyî xo canêard

Stockholm- 10î elul de pay textî swêd Stockholm de bi nameyî „80 serriyê Hereketa Şex Seîdo kal“ yew semîner viraziyyay.

Na semînera ke sehet 13:00 de dest ci kerd de, tornî Şex Seîd serekî HAK-PAR Abdumelîk Firat û cigerayox û nuştox Mehmed Emîn Bozarslan hereketa Şex Seîd ser agahdarî da mêmnanan û persî inan cewab kerdî.

Hêver Mehmed Emîn Bozarslan qisêkerd. Mehmet Emîn Bozarslan hetî sosyal, cematî û tarîxî ya hereketî ser vindert û samedî qerekerî hereketa Şex Seîd vînayê xo ina ard ziwân: Kemalîstan zur kerdî waşt na hereket sey yew hereketa dînî bidî dinya sinasnayîş.

La dozger bi xo vano „Şima samedî ruenayîşî kurdistanoxoser serredarîtwe. Osmanîyan zi zulm kerd kurdan. La kemalîstan bi sehezaran kurd kiştî, ziwânî kurdan û kulturî kurdan kerd qedexê. Her tim dişmenan myan kurdan de xayîn pêda kerdî,



la inan nê xayîn cuwa pey bi destî xo ceza kerdî“. Mehmet Emîn Bozarslan qerekerî kemalîzm ser zi ina va:

Kemalîzm zulm û zor a, barbarî û çînerdîşî mîletê kurd û gelan a. Kemalîzm sextekarî ya, miyerên kanyanî kemalîstan!...

Sêda Mehmet Emîn Bozarslan a pey tornî Şex Seîd Abdumelîk Firat qisêkerd. A.Firat zi sebebî nêserkotîşî Şex Seîd ser vindert. Abdumelîk Firat va: Roşnvîran û gîragîranî kurdistan destek nêda Şex Seîd. Ê sey

her wext bê helwest mendî, nêftayî cayî xo belikirî. Kurd verba yew bînan hesûdî, na hesûdê re zafê roşnvîr û paşayanî kurdan destek nêda Şex Seîd. Çi gune ke roşnvîrî kurdan tarîxî xo hol nêzanî, hêna zaf tarîxî îşgalciyan zûnî. Şex Seîd yew serekî dînî bi, la hereketa Şex Seîd yew hereketa mîlî bî“

Abdumelîk Firat samedî qebrê Şex Seîd û embazanî ê ya zi ina va: Şex seîd û 46 embazî ey Diyarbekir de defa bî. Cayî mezelanî inan belliyoy. Kurd ewro gere-

ka cayî mezelanî inan yew cayo zergûn kirî. Belediye Diyarbekir ha DEHAP dest di a, la çi gune ke na belediya no derheq de tiway. nêkena.

Mehmet Emîn Bozarslan zi penî qisêkerdîşî xo de va: Gereka kurd rojê 28 hezîran sey rojê şehîdan îlan bikerî.

Nasemînarkehetî „Kome-la Kurd ya Demokratik û kulturî li Stockholm (Spånga)“ ra amebî hedrekerdîş de, hendê 200 kesî hedre bî û zafê inan zana, wendox, nuştox û siyasetwan bî..

## Nêweşxaneyî Silemaniye de qismî Çekap abi



PK - Silemaniye- Hefteku viyert nêweşxaneyî silemanyie de qismî çekap (kontrollo peroyî) abi. Torenâ akerdîşî qismî çekap de serekî hikumeta Silemaniye Ömer Fettah, wezîrî sihat Dr. Mihemmed Qadir Xoşnaw û

yew grûbe Doktoran hedre bî.

Çekap bi makînaya bi nameyî 'Sitiskan' beno. Na makîna ra kurdistan de bajarî Ranya, Helebçe, Xaneqîn û Silemani piyer piya çêher tene estî.

## Partiyî başûrî rojawan yewbiyayîşî xo awan kenî

PK - Goreyî tayê çimeyanî kurdan nê hîrê aşmêyo ke kurdistan başûrî rojawan de Şamê û Qamişlo de partiyyî kurd kombiyayîşan virazenî û inan piye kerd ke yewbiyayîşî xo virazî.

Partiyanî ke piye kerd ku bibî yew nê yî: Partiya Demokratîk a Kurd li Sûriyeye,

Partiya Çep a Kurd li Sûriyeyê û Partiya Demokrat a Kurd li Sûriyeyê.

Inan ê partiyyî bîn zi dawet kerd ke piyer piya hêzî xo yewkirî. Mesûlî no karî eşkira keno ke ê partiyanî bînan zi cewabo pozîtîf dawo û ê nameyî xo bikerî Yekîtiya Demokratîk ya Kurdîstanê.

## Dihokij bi govendê Diyarbekir mest bî



PK - Şandi 8î elûl de Duhok, holê Mehmed Arif Cizîrî de, ahengê govend û lawikanî Diyarbekir bî.

Dihok de bi destî wezîrî roşnvîriye Samî Şoreşî û bi ardimî dezgehî roşnvîrî û hunerî ê bajarî Duhok, yew ahengê lawik û govendê Diyarbekirê amê hedrekerdîş. Na şew de Dihokijan lawikî Koma Azadî goştarî kerdî û govendê tîpê Dicle û Firat temaşe kerd.















# له کوشکی سپیدا وشه کوردی دهنگی دایهوه

به گوزی سهرچاره تاگاردگان، وای بر دهنج که بهم زواره کار بر رووخانی رهښی سورباش دهکرت و بالی حیزتی بهس لوتیش به دوردی عزیزا دهچت، سه رنجگان به نازارستانه پوروزن که تاخو شیری سورباش وک چوچی عزیزا له چ کرښکا، دهسگر دهکرت، رهښی سوری دهزانت تهجلی نریک پوروهوه، بویه تا هرهښی تهمریکا و سه رنجگان دینی توتوتوتی پورگان زتر دمن.



پلم چهلان پر تالکشی سپه لهریوه پز پر که نویته رایبشی تاوژن پوروس سپیدی چهلان پلم

په کشفتهوه دی نور ښارکدی حکومتی هوریم کزده، تمهش مهامهنگ و په کشفتی هورلگانی کورده له دوهوه و ناروه، هرهچند تا ښستا تم خراستی خاکی کوردستان نهانورمه دی پلام تا رادیهکی زور پیک هورنشتیکه لاسر مهسه چاره نو سوسان وگان، هیه. مارکات لهگل تم سردهانی تالیهانی بز تهمریکا، له عزیزا توپه راسپزیکی کورده، بز یو شارانی پشتمانی تیروز دهکن، هرپوه دهچت، هیزش بز سدر تله هفر و حدیسه و قائم و کارابه، بهښتی که تم توپه راسپوزن، تموز له عزیزا، به وکالت شهردی چند مخابه راتیک نه انجام دهرتیت، ههروشیان به پله په که بز لهانور دینی پوروسه دیومرکواتیورونی عزیزا و ټنگانی نارانی و ناسایسه، زهره مندی کهوروش خاگانی سفین، هرهچند تهمریکا دوا دی رووخانی رهښی سه دلم، پشورویکی دور سالی وهکرت، پلام

په کشفتهوه دی نور ښارکدی حکومتی هوریم کزده، تمهش مهامهنگ و په کشفتی هورلگانی کورده له دوهوه و ناروه، هرهچند تا ښستا تم خراستی خاکی کوردستان نهانورمه دی پلام تا رادیهکی زور پیک هورنشتیکه لاسر مهسه چاره نو سوسان وگان، هیه. مارکات لهگل تم سردهانی تالیهانی بز تهمریکا، له عزیزا توپه راسپزیکی کورده، بز یو شارانی پشتمانی تیروز دهکن، هرپوه دهچت، هیزش بز سدر تله هفر و حدیسه و قائم و کارابه، بهښتی که تم توپه راسپوزن، تموز له عزیزا، به وکالت شهردی چند مخابه راتیک نه انجام دهرتیت، ههروشیان به پله په که بز لهانور دینی پوروسه دیومرکواتیورونی عزیزا و ټنگانی نارانی و ناسایسه، زهره مندی کهوروش خاگانی سفین، هرهچند تهمریکا دوا دی رووخانی رهښی سه دلم، پشورویکی دور سالی وهکرت، پلام

له ۱۳ سیپتیمبر دی ۱۲۰۰ سهرکوماری تهمریکا چرخ دهلیو بزش له کوشکی سپیدا، پشورانی له سهرکوماری عزیزا مام چهلان تالیهانی و رفقه یاره مرگی کرد، خوښتهوه دی سیاسی له خوښتهوه دی دهمی و کره لایهتی چهلان، بویه دهیت به پوهنځی سیاسی قول پروانز په تم سردهانی و تهیا روزگش وک رویدان دینی ناسای تپیر، سهیر نهکرتیت، هیلوان دینی تالیهانی "گورد" بز سهرکوماری عزیزا، مشهوریکی کهوروی هیتابه ناروه له شقانی عره دی و نارونده سیاسی عره هیبه گاندا، که چون دهیت سهرزکی دولتیکی عره دی ناعهروپ بیته دوا دی نوره تالیهانی به شینومیهکی زور شایسته له تهمریکانا، پشورانی کرا، نو له هه مان کاتما، نویته دی خاکی عزیزا و گالی به شخړانوی کوردستان و سهرکوماریکی دوا دی هیلوان پروانز، کرگی ښار وگان لیزه مایه، به ښنگیزی دهسپیکرد و به کور دی به کورنا مات، تالیهانی به هره دی

تهم سردهانی تالیهانی، هر چند وک سهرزکی عزیزا یو، پلام به شخړانوی سهرزکی حکومتی کوردستان له لاریا تاره دهگه پشین، که تهمریکا به چاری پنجا به پنجا سهرزکی کوردستان و عزیزا دهکات، بگره سه به سهرش چونکه ههروزی هر کورده یوزن، هیلوان له سهرزکی دوا دی سهرزکی کورده، بز تهمریکا له حیاتی تالی عزیزا، تالی کوردستان له کوشکی سپیدا پشین. ■■■

## سه و یست سیاستمدار و نوسر و نه گاهمی و رهښیری نهرونی:

۱۳۰ سیاستمدار و نوسر و نه گاهمی و رهښیری تورکی کورده دی. له روشکی ده مانا، کاتیک تورک بانگهښی توپه راسپوزنی نوی له شکر دی دهکات، گورویکی له رهښیری تورکی دوا دی وهستان دی نو توپه راسپوزنانه دهکن، دهجته تهیه ته رزگانش ناچار دهیت، نوره قبول یکا و ښت توکا هله کی کورده، تم کشفتهوه دهیت له چوارچوخی رهښیری دیومرکواتیا چاره سهر بگریته. ښه پیشورانی تم سیاسی چاکسان پیمان کرد، سه روهستان دی یک لایه دی کور دیش ښایندی تا شتی ارزانی کرک دی، که ښه دوا له ههروزی دهکامین که بز ناشی چان له دهست دی بیکن. ■■■

## په روهښیری تور له روژهلای کوردستان گزنی له دهستانه

عابرهزا جهښدی، چگر دی سیاسی تهښتی تورستان کوردستان له رگی دیوانده دهجانه به ناسای فکی ماشتی له گل کچکی، گانجان له دهست دا. به پنی هورلوتی سیدوان له ناخزوه، تم دورداوه رهښی اسی سیتامیر کاتیمیز هی ښاره روهی دا. جهښدی هورلوت چگر دی کور دی تم پورته سهرکه په کوردستان بویه و وای دهی که دوا یه مات سدر کار دی تهښدی ښار و په کارابه کر دی، دهسرات له ههرو پهنه گاندا کار به دهستانی پشور بهم شینوه ههرو کور دیش له گل بگری و کور دانی تاو بران له خزهوه روهی نه دی و کهس یان که ساینک له پشت کوشتی بن. له زاگانان زیکا ریگنوی په کیچی شورشگرانی کوردستان مارکات له گل تهښدی کور دانی تاو بار ناماره به مهشکورو کیوی تم شیه کورانه کورده. له ماره په چت ههروزی رابرو دوا تم ههرومین چاره کار به دهستانی رهښی له کوردستان به روهالت به روهانوی توپه مایل دهکورتین. رهښی ۳۰ گه لوتی (۲۰۰۵/۸/۲۱) "دهمان ته پاره دی" هره مانجاری بوکان له چاده سهز- بوکان له روهانویکی ریگه ورا له گل هار سهر و کچکی کور دانی وک له راگه پانداوه گما هانوه. ■■■

## تولا هرفان: هیوادارم پرسی کورده له گشت بار چه گانی دهکی

په کشفتهوه دی نور ښارکدی حکومتی هوریم کزده، تمهش مهامهنگ و په کشفتی هورلگانی کورده له دوهوه و ناروه، هرهچند تا ښستا تم خراستی خاکی کوردستان نهانورمه دی پلام تا رادیهکی زور پیک هورنشتیکه لاسر مهسه چاره نو سوسان وگان، هیه. مارکات لهگل تم سردهانی تالیهانی بز تهمریکا، له عزیزا توپه راسپزیکی کورده، بز یو شارانی پشتمانی تیروز دهکن، هرپوه دهچت، هیزش بز سدر تله هفر و حدیسه و قائم و کارابه، بهښتی که تم توپه راسپوزن، تموز له عزیزا، به وکالت شهردی چند مخابه راتیک نه انجام دهرتیت، ههروشیان به پله په که بز لهانور دینی پوروسه دیومرکواتیورونی عزیزا و ټنگانی نارانی و ناسایسه، زهره مندی کهوروش خاگانی سفین، هرهچند تهمریکا دوا دی رووخانی رهښی سه دلم، پشورویکی دور سالی وهکرت، پلام



په کشفتهوه دی نور ښارکدی حکومتی هوریم کزده، تمهش مهامهنگ و په کشفتی هورلگانی کورده له دوهوه و ناروه، هرهچند تا ښستا تم خراستی خاکی کوردستان نهانورمه دی پلام تا رادیهکی زور پیک هورنشتیکه لاسر مهسه چاره نو سوسان وگان، هیه. مارکات لهگل تم سردهانی تالیهانی بز تهمریکا، له عزیزا توپه راسپزیکی کورده، بز یو شارانی پشتمانی تیروز دهکن، هرپوه دهچت، هیزش بز سدر تله هفر و حدیسه و قائم و کارابه، بهښتی که تم توپه راسپوزن، تموز له عزیزا، به وکالت شهردی چند مخابه راتیک نه انجام دهرتیت، ههروشیان به پله په که بز لهانور دینی پوروسه دیومرکواتیورونی عزیزا و ټنگانی نارانی و ناسایسه، زهره مندی کهوروش خاگانی سفین، هرهچند تهمریکا دوا دی رووخانی رهښی سه دلم، پشورویکی دور سالی وهکرت، پلام

# PEYAMÎ Kurd

Jimare 54 Salli 2 16.09.2005

Rojnameyekî heftaney gistiye

Grûpî azadî  
û vîstivalî  
fireneteweyî  
le Hollenda

Laparey 5



## سوپاسنامه

بۆ ههموو ئەو کەس و لایەن و روژنامانەى  
بە تەلەفۆن یان بە ئیمیل، بە یۆنەى  
سانیک تێپەرپوون بە سەر روژنامەکەمان  
(پەيامى کورد)، پێرۆزبایان ئى  
کردووین، لە ناخى دڵمانهوه سوپاسیان  
دەکەین. پێرۆزبایى و دەستخۆشى ئەوان  
بۆ ئیمه گەورەترین دیارییه،  
هیوادارین بتوانین ئە ناست پەرۆشى و  
خۆشهویستی و برۆای ئیوه، درێژە بە  
کاروانى پەيامى کورد، بدەین. پەيامى  
کورد، گوزارش ئە ئەتەوهیهکی چهوساوه  
و بی ماف دەکات، پەيامى کورد،  
پەيامى مەوقایه تییه. خۆشائین بە  
پێوهندییه کانتان و سوپاس و پیزانیمان  
بۆ ههموو لایەک.

حههه سهعید حهسەن

نوینەرانى رووتوقوتى  
کوردستان

لاپەرەى ۲

بانگهوازی دامهزراندنى  
یهکیتى کوردستانى بۆ میدیای  
ئەلەکترونى

لاپەرەى ۲

نەجات حەمید ئەحمەد

دۆزەخى خۆسوتاندن..  
پروژهیهکی چاکسازی  
کۆمه لایهتی

لاپەرەى ۴

بەشى دووم

قینۆس فایهق

لە یهکەمین سالیادی پەيامى  
کورد، سلاویکی هاوڕیانه بۆ  
دانا عەلى سهعید

لاپەرەى ۶

ناشتى گهرمییانى

لە ئەرشیفی هونەرماندانی کوردستانهوه..  
هونەرماندى شیوهکار  
سەدرەدین کاکهیی

لاپەرەى ۷


چەقۆ کێشان و بەره لایى!!

لە میونشن و ..

.. ئەوهی که مایه دى تەنگییه، ئەو  
چەقۆکێشه کوردە!

لاپەرەى ۷


دیدارى هەلکەوت زاھیر لەگەل:



هونەرماند کالى

لاپەرەى ۸

# Le Koşkî Sipîda wişey kurdî dengî dayewe



Laparey 2